

節孝褒獎錄

人倫師表

孫其昌





潛德幽光

古澤惟重

樹之風聲

馮廣民



教
民
成
俗

孫祥雲



訓詞

孝爲百行之首節乃婦德之先載稽典籍如哭竹臥冰之純孝毀容全貞之苦節史不絕書無代無之固由民德之歸厚亦繇倡導之使然所以風俗丕變婦孺皆知不獨爲史乘之光抑我國之道德能歷久而弗敝者賴此舊禮教有以維繫之也自倫常斁而父子之恩漓自由興而夫婦之道苦邪說詖辭之誤人不在洪水猛獸之下中風狂走不蹶不止幾欲舉數千年之懿行踐踏而毀滅之曾芻狗之不若以快其私而暢其慾嗚呼不亦愼哉

國運昌明首崇節孝還淳返樸俗美化行鄉曲無湮沒弗聞之歎國家有彰善表揚之條本其事迹旌其門閭於是乎男兒比蹤於會閔女子勵志於松筠孝養廬墓之風孤嫠柏舟之誓州郡訪舉盡以上聞本部司風化之責秉褒獎之權歷屆成案班々可考予以扁額授以銀盾觀者贊歎里閭矜式蔚爲祥瑞樹之風聲茂矣盛矣蔑以加矣

今上踐祚之四年仍循故事隆重舉行搜剔巖穴審慎考核凡得孝子節婦及社會教化功勞者四百四十有三人其褒獎之品一如曩例定於康德五年一月十八日本大臣親行傳達式函請各省市派員來部參加典禮以憑授與本大臣幼讀經傳長游巽宮於聖賢之往訓與夫三綱五常之大端雅所樂道每於集會之

時輒口講指畫勸誘提撕而不厭迨比官秩宗尤於此事三致意焉蓋以爲孝者貴乎色養然不敬則隣於禽獸此可知敬之至即孝之至也若夫節婦青春守志白首完貞或之死誓靡他或從容以就義或茹苦以嘗藥或撫孤以事親極人世之難堪爲倫紀而生色往往可以驚天地泣鬼神雖係女流而孤介不可逼視矣然而蚩々者氓天真未鑿於其所生不知孺慕之爲盡性於其所天不知義法之當守貞渾々噩々純任自然譬猶含璞之玉在鑛之金未加琢磨冶鍊之功所謂質美未學尙有待於觀感興起此本部之所深念而亟注重於社會教化誠以社會教育可以移風易俗可以孺立頑廉故社會教化功勞者本日亦一同授獎者此也且夫毛裏之愛無智愚之所同也伉儷之重愚夫婦之所能也當其養志承歡空閨飲泣初非爲驚世駭俗亦祇行其心之所安不有獎之云胡以勸昔者歷代之立法凡剖心割股傷及身體之愚孝皆在所屏守節不及三十年不予旌表惟烈女殉節者不在此例限制過嚴非善々從長之道我國激發人心董勸百姓有一善者無不錄有一長者無不取用意之精邁越前古室有節婦斯家有孝子家有孝子斯國有忠臣王道之樂土尊重節孝固仁政之一端也爰述節孝之精義以爲規諷尙其勉之

康德五年二月十八日

民生部大臣 孫 其 昌

節婦

翁 林 氏 新 京 特 別 市 五

吉 林 省

曹 王 氏 永 吉 縣 六

侯 寶 氏 扶 餘 縣 六

段 魏 氏 榆 樹 縣 七

奉 天 省

劉 邱 氏 梨 樹 縣 七

哈 肇 氏 遼 中 縣 八

宋 杜 氏 遼 陽 縣 八

王 吳 氏 鐵 嶺 縣 九

張 姜 氏 一〇

楊 萬 氏 一〇

張 黃 氏 一〇

石魏氏.....二

濱江省

劉高氏肇東縣.....二
蘇宋氏安達縣.....二
楊關氏木蘭縣.....二

錦州省

劉李氏錦縣.....三
黎楊氏.....三
關趙氏.....三
楊王氏.....四
翟才氏.....四
齊李氏.....四
王金氏.....四
胡穆氏.....五
董張氏.....五

熱河省

李 邢 氏 豐 寧 縣 一九

沈 王 氏 隆 化 縣 一九

譚 韓 氏 二〇

烈 婦

奉 天 省

孫 李 氏 鐵 嶺 縣 二二

懿 行

濱 江 省

李 家 俯 肇 東 縣 二三

錦 州 省

關 田 氏 盤 山 縣 二三

孝子

王占山彰武縣.....二四

黑龍省

富文秀烏雲縣.....二五

龍江省

岳德全龍鎮縣.....二五

李福祿訥河縣.....二六

劉希泉林甸縣.....二六

劉忠義泰來縣.....二六

彭庚甲間通縣.....二七

蘇文福洮安縣.....二七

蔡守元洮南縣.....二七

鄧和喜泰康縣.....二六

趙增喜泰康縣.....二六

周	洪	章	虎	林	縣	壹
馮	寅	甲	壹
趙	慶	財	壹
譚	景	和	密	山	縣	高

濱江省

井	懷	五	蘭	西	縣	高
劉	鳴	岐	雙	坡	縣	壹
周	鳳	岐	壹
烏	勒	吉	托	克	托	胡
						郭爾
						爾
						羅斯
						後
						旗
						壹

通化省

申	延	安	輯	安	縣	美
于	振	河	美

安東省

張	學	禮	安	東	縣	美
---	---	---	---	---	---	-------	---

張	孫	劉	鄒	張	張	孫	趙	張	房	金	程	劉	董	朱	李	趙
瑞	萬	廣	慶	孝	連	景	國			有		煥	仲	會	科	洪
典	學	田	雲	先	科	榮	華	福	振	潤	漢	文	三	卿	元	柱
黑	台			阜					彰	義	興				錦	朝
山	安			新					武		城					陽
縣	縣			縣					縣	縣	縣				縣	縣
.....
四六	四六	四六	四五	四五	四五	四四	四四	四四	四四	四三	四三	四二	四二	四二	四二	四一

熱河省

王 衍 祥 盤 山 縣 四七

姚 鳳 田 榮 綏 中 縣 四七

劉 國 榮 綏 中 縣 四七

楊 萬 有 四七

徐 文 富 四七

楊 秀 四七

李 樾 寧 城 縣 四九

秦 平 放 漢 縣 四九

王 洛 德 喀 喇 沁 左 旗 四九

王 懷 琳 五〇

劉 子 臣 興 隆 縣 五〇

王 重 三 五〇

崔 雲 建 昌 縣 五〇

王 鎮 寰 五一

王 振 才 五一

孝女

龍江省

張雨蘭開通縣.....五七

宋清珍	王殿發	劉殿明	吳俊斌	丁子俊	姚雲漢	李勝齋	劉景祥	王景雲	吳鳳林	孫鴻喜	鄭廷勳
.....
五五	五四	五四	五四	五三	五三	五三	五三	五三	五三	五三	五一

濱江省

金昌來雙城縣.....五

節婦

紀苟氏 新京特別市.....五

吉林省

李徐氏 榆樹縣.....五

龍江省

富陶氏 龍江縣.....五

吳陳氏.....六

孟楊氏.....六

劉張氏.....六

康呂氏.....六

王汪氏.....六

柏	韓	王	鄒	張	薛	厲	林	宋	趙	田	張	徐	高	陳	梁	崔
莫	周	劉	于	周	朱	馬	康	蕭	王	趙	劉	曹	王	盧	岳	陳
氏	氏	氏	氏	氏	氏	氏	氏	氏	氏	氏	氏	氏	氏	氏	氏	氏
秦		林	克	克			龍			德		訥	富	甘		
來		甸	山	東			鎮			都		河	裕	南		
縣		縣	縣	縣			縣			縣		縣	縣	縣		
.....
壹	壹	壹	壹	壹	壹	壹	壹	壹	壹	壹	壹	壹	壹	壹	壹	壹

三 江 省

徐	楊	徐	高	高	祝	王	白	楊	金	張	臧	石	于	趙
盧	劉	盧	王	孫	孫	李	張	史	王	王	吳	王	蔡	徐
氏	氏	氏	氏	氏	氏	氏	氏	氏	氏	氏	氏	氏	氏	氏
		寶	富	樺	瞻	開	洮					安	大	
		清	錦	川	榆	通	南					廣	賚	
		縣	縣	縣	縣	縣	縣					縣	縣	
.....
充	充	充	充	充	充	充	充	充	充	充	充	充	充	充

趙劉氏方正縣.....充
 曲王氏通河縣.....充
 王張氏鳳山縣.....充

牡丹江省

黃王氏寧安縣.....七
 李張氏.....七
 關吳氏密山縣.....七
 于趙氏.....七

濱江省

吳張氏賓縣.....七
 蕭田氏.....七
 于李氏.....七
 王李氏.....七
 劉李氏雙城縣.....七
 文蘇氏.....七

通化省

勇張氏通化縣.....七

張裴氏.....七

王趙氏輯安縣.....七

葉董氏.....七

劉玉美氏.....七

董金氏臨江縣.....七

于孫氏長白縣.....七

盧安氏.....七

安東省

洪馬氏安東縣.....七

張林淑德氏.....七

川于氏.....七

宋陶氏.....七

于王氏.....七

曹	侯	蘇	倪	李	李	李	姜	管	南	鄒	孫	趙	李	王	張	于
張	谷	高	梁	趙	常	趙	王	叢	張	關	張	孫	孫	鄒	潘	孫
氏	氏	氏	氏	氏	氏	氏	氏	氏	氏	氏	氏	氏	氏	氏	氏	氏
	桓						寬									
	仁						甸									
	縣						縣									
.....
九二	九一	九一	九一	九一	九〇	九〇	九〇	九〇	九〇	八九	八九	八九	八九	八六	八六	八六

孟	張	王	張	申	邵	鈕	安	王	于	曹	孫	郭	徐	張	穆	楊
程	劉	吳	馬	王	洪	賈	郭	王	李	葛	佟	霍	于	張	楊	何
氏	氏	氏	氏	氏	氏	氏	氏	氏	氏	氏	氏	氏	氏	氏	氏	氏

黑

山

縣

.....
九六	九七	九七	九七	九七	九七	九七	九六	九六	九六	九六	九六	九五	九五	九五	九五	九五

朱	喬	邢	鄭	劉	許	劉	李	趙	毛	張	戴	郝	劉	鄭	裴	霍
呂	侯	王	楊	鄭	孫	段	謝	姜	孫	周	郭	劉	李	牛	才	孫
氏	氏	氏	氏	氏	氏	氏	氏	氏	氏	氏	氏	氏	氏	氏	氏	氏
		綏														
		中														
		縣														
.....
106	106	105	105	105	105	104	104	104	104	104	104	104	104	104	104	104

王 王 何 王 李 田 鍾 郝 蔡 高 王 曹 張 楊 李 闔 王
 邱 郭 劉 陳 杜 張 杜 朱 蕭 張 郭 劉 薛 張 王 周 朱
 氏 氏 氏 氏 氏 氏 氏 氏 氏 氏 氏 氏 氏 氏 氏 氏 氏

義

錦

西

縣

縣

.....

一一三 一一三 一一三 一一三 一一三 一一二 一一二 一一二 一一二 一一二 一一〇 一一〇 一一〇 一一〇 一一〇 一〇九 一〇九

吉林
省
烈
婦

邵	王	韓	王	孫	趙	馬	劉	石	謝	閻	王	周	許
康	暴	王	劉	高	金	蓋	郭	黃	于	邱	倪	劉	鄭
氏	氏	氏	氏	氏	氏	氏	氏	氏	氏	氏	氏	氏	氏
興隆縣	喀喇沁左旗	喀喇沁右旗						建昌縣					
.....
二五	二五	二五	二四	二四	二四	二四	二四	二三	二三	二三	二三	二三	二三

陳唐氏額穆縣……………二七

安東省

何素梅鳳城縣……………二七

原何氏桓仁縣……………二六

熱河省

李白氏喀喇沁右旗……………二六

烈女

龍江省

藍合珠依安縣……………二九

濱江省

魯鳳蓮雙城縣……………二九

義士

錦州省

王

勤朝陽縣

一三一

義僕

濱江省

郭凌漢葦河縣

一三二

懿行

路道爾新京特別市

一三五

龍江省

劉芝忱龍江縣

一三五

孟 敖 起 鎮 東 縣 一六

呂 貴 忱 洮 南 縣 一六

朱 張 希 班 齊 齊 哈 爾 市 一六

三 江 省

姜 子 坡 寶 清 縣 一七

趙 鳳 閣 一七

濱 江 省

何 華 峰 東 興 縣 一八

黑 樹 臣 哈 爾 濱 市 一八

鄒 恭 恭 一八

孔 慶 璽 一八

趙 自 平 一八

傅 忠 渭 一八

安 東 省

康
德
三
年

孝

子

傳

奉天省

開原縣

陶啓東 現年六十三歲

陶啓東開原縣人。事親純孝。出天性。知承顏順命。母茹素。菜飯外。必以白麵餛飩進。事變之際。盜賊竄起。啓東負母避深林內。妻子號救不遑。願母今年逾九旬。精神彌健。人謂孝子善養親也。

鐵嶺縣

李春枝 現年六十七歲

李春枝鐵嶺縣人。事親盡孝。業農以爲養。家貧而菽水常豐也。生平無一事拂親意。有所命。則敬諾無違。民國二年。母病癱瘓。動轉爲艱。孝子親侍湯藥。衣不解帶者三年之久。母卒不起。孝子哀痛逾恆。浮母柩於家之園畔。廬墓三月。民國十三年。父見背。居喪盡禮。葬畢。於塋地掘土爲炕。結茅爲屋。廬墓四年。寒暑不避。鄉里皆稱其孝焉。

鐵嶺縣



(南)

徐文庫

現年六十三歲

徐文庫。奉天鐵嶺縣人。孝子也。少時家貧。出爲人傭。嘗曰。有傭我而不廢我日一歸省者。雖廉我值。我亦爲之效死力焉。於是人皆重孝子之爲人。而厚其值。其父嗜酒。窘迫中不能常得。孝子乃往酒家跪求之。除約。父歿。以工傭償。主人憐其孝敬。未或辭也。歲時之際。父母或有憂容。孝子則拍板歌。俚詞。踴躍跳舞。俟色霽乃止。鄉里遂譽之爲當今之老萊子。孝子聞而嘆曰。老萊子何如人。我不知也。我所知者。身體髮膚受之父母。劬勞之恩。昊天罔極。甘旨之養。其能還答懷抱之恩。萬一哉。若夫有愛其肌膚。而不知父母之奉。吾不知其心矣。彼老萊子。果何如人哉。光緒三十四年。孝子年二十七矣。閭里爭爲議婚。孝子每辭曰。勞力所獲。儉以奉親。雖曰養薄。而父母喜可知也。一旦娶婦生子。得無分老親之食乎。終不肯娶。其後勸者愈衆。且責以不孝之罪。莫大於無後。始瞿然應之。然由是孝子之食。嘗不飽。而其親酒肉則猶視昔也。其婦偶忤於親。孝子即長跪不起。深自罪責。以是婦於翁姑。亦孝謹終養焉。

錦州省

義縣

孫蓬林 現年三十五歲

孫蓬林。義縣人也。天性篤厚。事母孝敬無違。親死哀惻。動路人。既葬。築廬墓側。朝夕焚香誦金經。終三年之喪而勿去。

義縣

王蓬真 現年三十一歲

孝婦王蓬真者。義縣人也。嫻禮義。能事其姑。雖貧困。食不暇給。而甘旨之養。未嘗一日廢。姑歿。則偕其夫。廬墓終三年之喪焉。

錦縣

尹邦楨 現年六十四歲

尹邦楨。錦縣東關之賣卜人也。性純篤。有兄弟二人。不相能。遂異居。而邦楨獨以孝聞於鄉。隆冬盛夏。邦楨必爲其親謀除寒暑之苦。晨昏飲饌。均手製以進。其父蓋非邦楨侍。其側不樂也。母歿後。妻亦卒。父年八十六。患癱瘓。邦楨朝夕助之起居。求醫未效。乃禱於鬼神。至誠感格。沉疴果癒。及其歿。壽九十有三矣。

興城縣

譚文忠 現年三十七歲

譚文忠拉馬溝村譚家屯人。天性敦篤。事親至孝。母故後。於墓側築茅舍一間。狹小僅容一人臥起。每飲食必先奠。遇村人有慶弔事。則往乞餘祭。其親祭畢。即以與牧兒丐者。未嘗自進也。

熱河省

隆化縣

曹成章 現年六十五歲

曹成章山東濟南人。幼喪父。事母有孝行。母年老目盲。成章背負出入。侍坐起。二十年如一日。隣里矜式焉。

康
德
三
年

節

婦

傳

新京特別市

翁 林 氏

現年 六十歲

翁節婦者。福建閩侯縣人。同邑翁柏銘之妻也。少失父。讀書未竟。學溫恭懿美。明於禮訓。十九歲歸柏銘。和順曲承姑意。家人愛敬焉。柏銘初亦從師學一年。方外試。而父病故。不及歸侍醫藥。遂習賈。終身奉母。不他出。逾十年。暴疾卒。遺子一女。子二。幼者甫周歲。視母號泣。猶以爲咻之戲嬉也。節婦願之哀慟。至不成聲。是夜吞金不死。明日仰藥又不死。登樓自縊。繩絕傷股。暈且蘇者七日。夜姑持兩兒哭曰。母從父去。固足光寵門閭。然如此老弱何。其長女雖孩提。亦能知其言之悲痛。呼曰。父乎。胡不歸。母乎。胡不興邪。婦愀然蹶起曰。我累吾姑矣。兒母苦。母不從父去也。於是爲人浣滌紡織。以給資用。一日米將罄。風雪寒甚。夜燈青熒。節婦撥爐中餘燼。覆手取暖。腕未溫而機聲又作。詰旦姑見布成。謂曰。兒中宵未眠耶。何成之速也。朝饌畢。命子持布往市。狡者多貶其值。至日昏始獲售。是夕遂煮粥進姑。以食其子。已則忍饑不舉。愈勤於績。婦有娠。未育。叔病卒。旣舉女也。而婦又死。節婦愛撫如己出。宗親間每有餽遺。奉姑後必先餉之。今長成爲議婚。尙未知非節婦子也。光緒二十二年。長女適孫明甫。雄於貲。頗敬事節婦。無何姑以天年終。子壽銘學成。懷符致祿。養取婦生三子。並有孝行。次女適韓福海。歲時嘗歸寧省慰。

其親大同元年壽銘奉母來京師。女亦相繼至。丙子春暮。節婦六十壽辰。子女率兒孫輩十數人。登堂獻觴。以為歡樂。天之報施善人者。未嘗不至也。節婦為人。藹然寡言。笑御婢嫗。雖有過失。無厲容。時訓其子女曰。和祥慈惠者。獲厚福。剛戾褊急者。常多咎。吾早歲孤露。竊幸人不弱我。何暇凌人。皇天無親。唯德是輔。富貴豈有常哉。故子女皆循謹。克治其家。

吉林省

永吉縣

曹王氏 現年六十歲

曹王氏。永吉縣人。嫁二年而寡。時二十一歲也。遺腹生子雲翔。教之讀書。今出仕有祿養矣。

扶餘縣

侯寶氏 現年六十八歲

侯寶氏。扶餘縣人。幼從父受詩書。明曉義節。年二十一。適同邑侯永昌。事舅姑溫婉有禮。夫故時。翁已先逝。姑悲傷成疾。氏節哀侍湯藥年餘。姑竟不起。貧窮無以

爲殮。宗親助之。始獲葬。嗣姪爲子。取婦後。又病卒。孤苦愈甚。鄉中父老憐敬其義。節。借地爲築土室以居焉。氏於紉績暇時。以所學授村童。設帳席也。久之來者日衆。遂移居城中。收束脩而立學校云。

榆樹縣

段魏氏

現年八十歲

段魏氏。吉林榆樹縣人也。二十三歲居孀。遺腹生女。嗣姪爲子。矢志守節。今五十餘年矣。

奉天省

梨樹縣

劉邱氏

現年五十一歲

劉邱氏。梨樹縣邱文龍之女也。十七歲適劉振聲。嗣子繼述爲室。越年夫死。無出欲以身殉。族人勸止之。乃矢志守節。孝事翁姑。尋翁復。嗣世純爲後。未幾亦病卒。遺妻王氏。改適而去。翁姑相繼歿。氏獨力營喪葬。家漸替。乃率夫同胞弟世昌。勤耕織以給家。數年。世昌又病歿。遺妻子。惟氏是賴。值歲饑。資用益困。氏夙夜勤瘁。

得無凍餒近以鄉村不靖遂歸依其父邱文龍居焉以世昌之長子喜湧爲嗣守節三十三年境益艱而節益勵鄉里欽之。

遼 中 縣

哈 肇 氏

現年 六十二歲

哈肇氏遼中縣人十九歲適哈達氏七年而夫歿遺二女長在提携次尙襁褓家窶貧勤針黹以資生二女旣長爲之遣嫁由是覺々子立境益苦矣近以年老力衰恆依住於女家四十餘年冰霜自勵閭里稱焉。

遼 陽 縣

宋 杜 氏

現年 五十六歲

宋杜氏遼陽縣杜文盛之女也年十七適同邑宋國仕爲室伉儷殊敬愛越四年生一女二十六歲夫病歿遺腹舉一男曰恩普乃矢志守節家貧不足以仰事俯畜如是終歲勤勞僅免凍餒子病氏朝夕將護之晝夜不寐勺水不入口者數日泣曰曩不與吾夫俱去者冀撫此子以延宋氏之宗祧也倘不幸而死余將追隨泉下人矣子病旋愈翁偶患癰疽艱於行動氏侍湯藥除穢溺無難色一日翁泣而歎曰吾重累兒婦矣氏對曰此兒婦之責也並呼子至前作解頰狀以慰老人

之心。現翁姑俱健在。女適人家。亦漸裕。鄉里稱節孝焉。

鐵嶺縣

王 吳 氏

現年 五十六歲

王吳氏。奉天鐵嶺縣大汎河村王佐卿之妻。而河夾心村吳姓女也。嫻禮義。能事其親。既嫁夫家。窶甚。衣食時不繼。嘗啜藜羹。而咽糟糠。處之晏如也。年二十四。生子蔭宗。越三年。夫病危。願蔭宗謂氏曰。以斯累汝矣。汝將若何。氏不應。夫既歿。哀痛失聲。叩棺呼曰。夫乎。爾何歸。其俟妾同往也。家人恐其殉。防之嚴。當是時。蔭宗幼小。未知父死可悲也。嬉戲。嚙韓問。人諷之曰。婦人從子爲義。未聞從夫棄孤。而絕其宗之可貴也。况親老窶貧。忍背之哉。於是斷髮毀容。侍老撫孤。勤謹倍曩昔。唯生計日困。每並日而食。見者多勸之改行。氏艷然曰。是何言也。夫夫之父母。吾之父母也。夫死而背父母。揆諸情理。固有是歟。且遺孤方長。更何能棄之他適。而斬人之祀乎。以是人皆知氏冰霜之節。愈礪彌堅矣。踰歲。姑病逝。蔭宗亦從師讀書。而自督責之時。謂曰。父之亡也。姑老不令我死。我亦不忍舍姑去。今姑歿。翁邁所望於汝者。益殷。汝能興家。則我生不虛。子如不肖。他日泉壤間。何面目見汝父。謝吾姑。而爲老翁集愁憂也。蔭宗聞之。感泣。發憤攻苦。三冬而文史足用。氏又訓戒曰。學貴力行。非在章句。晉節之鏗鏘入調也。凡古人之嘉言懿行。可爲世法者。

汝其勉之。故蔭宗溫厚有美行。年十七納婦。生三子。家計日裕。人方以爲天報節孝者。當如是。而蔭宗偏以勞瘵死。媳寡孫孤。老翁衰病。資用又困。晚節清苦矣。

張 姜 氏 現年 六十六歲

張姜氏。鐵嶺縣人。年十九。適同里張萬全爲室。越四月。萬全以病死。無子。乃矢志柏舟。繼夫兄之子殿楓爲嗣。家貧以勞作所入奉翁姑。翁姑逝世。氏獨力營喪葬。極哀禮。子旣長。爲之娶婦。數年婦病歿。爲之續娶。未幾。子又病歿。遺二子尙幼。氏以養以教。劬勞備至。苦節四十餘年。今六十有六歲矣。

楊 萬 氏 現年 五十九歲

楊萬氏。名門女也。年二十一。適楊海爲室。家貧業農。以資生。越六年。楊海患疾甚劇。氏侍湯藥。衣不解帶者數十日。夫卒不起。當是時。氏娠已數月矣。屢欲身殉。親友以延嗣勉之。得不死。三月。遺腹子逢春生。乃矢志撫之。境愈艱窘。氏以十指營衣食。堅苦守志。始終不渝。及子長。送校讀書。現畢業於高等小學校。及汽車司機學校。能祿養其親矣。

張 黃 氏 現年 六十七歲

張黃氏。鐵嶺縣張鳳藻之妻也。幼生農家。未讀詩書。而性嫻禮義。十八歲于歸。孝

事翁姑。和睦家人。敬伯叔如父母。視猶子如己出。持家有法。鄉里稱焉。翁姑相繼歿。佐夫理喪葬。極哀禮。夫病。氏延醫侍藥。衣不解帶。目不交睫者月餘。夫病篤。會禱天滅壽益夫。病卒不起。氏擗搗喪葬。終日哭泣。不知所措。忽毅然曰。人生死聚散。殆有數耳。我兒女冲齡。家無隔宿之糧。倘常此嗚々。非特死者不能復生。而生者亦形將就木矣。從此淚不輕彈。日以操作爲事。夙興夜寐。勞如傭僕。衣鷄衣。咽糠糝。以紡織所入。供子束修。蓋冀其稍讀詩書。俾資異日謀生。克振門楣。有以慰先父於泉下也。故名子曰啓昌。氏年逾三十。爲子女完婚嫁。慘淡經營。雖至極窘困時。亦未嘗作兒女態。向人獨以毅力衝破難關。無愁容。無怨語。茹荼如飴。終年役々。家以漸裕。詎料天禍叵測。祝融稅駕。房屋家具。蕩然無遺。猶奮勉子媳曰。有母存活。必能恢復舊觀。爾等幸勿戚々。由是愈勤勞不息。率子及婦。平明而起。斗轉而息。寸縷不妄用。錙銖必積貯。數年稱小康焉。節婦年近古稀。猶強健善飯。每道往事。則嗟々不倦云。

石

魏

氏

現年

八十八歲

石魏氏。鐵嶺縣人。十八歲于歸。事翁姑克盡婦職。越數年。夫遭痲疾。氏晝夜侍其側。護持備至。夫死時。氏年二十七歲。遣子魁麟尙幼。遂矢志守節。教撫孤子。俾至成立。今氏年八十八歲矣。孫曾繞膝。六十餘年苦節悲辛。得稍慰焉。

濱江省

肇東縣

劉高氏 現年八十九歲

劉高氏肇東縣人。十六歲于歸。夫家貧。有姑亦早孀。而足有寒疾。艱於步履。氏勤劬奉養。甘旨無缺焉。二十八歲夫故。侍姑愈謹。孤子二人。均令從師習書史。已則勞苦不遑少息。久之姑卒。子長成。取婦。生孫六人矣。

安達縣

蘇宋氏 現年六十八歲

蘇宋氏。新京人。十五歲嫁。而二十五歲寡。守節四十餘年。

木蘭縣

楊關氏 現年五十八歲

楊關氏。牛莊人。夫家貧。遠出謀衣食。爲亂兵害死。有姑孀居。遺孤甫生。兩月。矢志守節。殯葬其夫。久之。姑思子悲苦。雙目失明。氏嘗跪勸。婉慰。頗得堂上歡心。旋以生計拮据。有諷之改適者。氏對曰。親老子幼。窮獨無告。路人猶且憫之。骨肉情深。

而忍棄之乎。其後姑歿。子長成。經商家小康矣。

錦州省

錦縣

劉李氏 現年五十二歲

劉李氏。錦縣人。十七歲嫁同里劉同源。二十二歲夫歿。屢殉不果死。養翁姑。教子克承其志。

黎楊氏 現年六十五歲

黎楊氏。錦縣人。黎凱之妻也。嫁四年。凱病故。無子。以夫兄之子承宗祀焉。

關趙氏 現年七十五歲

關趙氏。錦縣城北小許家屯村人。七歲喪母。少窮苦。時依食姑母家。既嫁。夫又貧。役。有姑老邁。亦故孀也。賴氏針績資助。免凍餒。光緒八年夏。夫渡小凌河洗馬。值山洪卒發。人馬溺焉。姑聞訊。暈絕。遂病。十閱月歿。氏走哭鄰里。宗親間。三日始獲殮。殯。未久。四歲幼女復夭。獨孤。無生趣。買鴉片和酒吞服。鄰人救之。甦。乃主於外姊家以存。

楊 王 氏

現年 六十七歲

楊王氏。錦縣人。十五歲嫁楊殿克。事舅姑以孝聞。二十六歲夫歿。氏躬勤養姑。足不出庭戶。以教其子女。如此者二十四年。竟至無暇歸寧。母家嗣以母病重。遂歸侍湯藥。徹夜無懈容。更於黎明禱神祇。求減已算。以永母壽。至誠所格。而母病竟癒。其子則取婦。年餘即死。女嫁後亦亡。乃率寡媳。勤苦績績。以自存。

翟 才 氏

現年 八十五歲

翟才氏。嫁夫年二十九而寡。有子二人。撫之成立。長子娶婦。未幾夫婦皆病死。次子業醫。氏嘗教之曰。士貴德行。醫乃仁術。以愛人始。而以殺人終。雖曰無心。子孫必不能昌矣。汝其謹慎焉。氏性好施與。凡顛沛無告者。輒竭力相助。未或吝也。

齊 李 氏

現年 七十二歲

齊李氏。錦縣人也。嫁後一年。翁姑相繼染沉痾。氏躬勤省視。其間如斯者二年。皆逝去。而夫亦病不起。夫既葬。遺孤乃生。遂撫之成立焉。

王 金 氏

現年 六十七歲

王金氏。錦縣人。二十五歲喪其夫。誓志柏舟。教撫幼子。卒至成立。既取媳。子又病歿。與媳力作。僅免寒饑也。

胡 穆 氏 現年 四十七歲

胡穆氏。錦縣人也。十五歲適胡永榮。事姑至孝。二年夫卒。即矢志守節。凡三十餘年。

董 張 氏 現年 六十六歲

董張氏。錦縣人也。婉順能孝其姑。於閭里稱賢婦。八年夫死。即誓志勤苦勞作。以自生存。

郭 李 氏 現年 七十一歲

郭李氏。錦縣人也。十八歲嫁郭兆麟。二十五歲夫歿。守志以教子女。克興其家。

王 齊 氏 現年 五十歲

王齊氏。錦縣人也。年十八于歸王氏。夫素多疾苦。氏侍湯藥。衣帶不解者數月。溫恭無疾言遽色。爲舅姑所愛悅。無何夫病卒。距結褵未一載也。絕水漿數日不死。而人皆諷以孝親養子爲義。遂誓志焉。

齊 李 氏 現年 六十八歲

齊李氏。錦縣人也。十七嫁。而二十二歲寡。奉翁姑以賢孝。爲鄉里所矜式。

于 王 氏 現年 六十八歲

于王氏。錦縣人。嫁五年而夫卒。有子二人。氏教之成立。並有賢名。

任 白 氏 現年 七十六歲

任白氏。錦縣人也。嫁六年而夫死。氏二十五歲也。家貧苦。翁老多病。子女二人。均幼小。仰事俯畜。艱苦備嘗。未或少移。初喪。行事載在縣志。鄉里榮焉。

唐 范 氏 現年 五十一歲

唐范氏。錦縣人。夫亡無子。嗣姪承宗。守節三十五年。

吳 郭 氏 現年 四十九歲

吳郭氏。錦縣人。年十五適吳清剛。斯時清剛方十三。未知夫婦義也。氏已婉婉得舅姑歡。四年清剛死。窮困無擔石儲。而養親誓志三十一載矣。

全 湯 氏 現年 六十五歲

全湯氏。錦縣人也。嫁四十七日而夫卒。即紡織守節。越二年夫兄病歿。嫂改志他適。氏撫其幼女。至成立焉。

馬郝氏 現年六十二歲

馬郝氏。錦縣人。年十七于歸。而夫年十二。事翁姑。至有孝行。夫十五歲。得傷寒病。死。矢志奉姑。今四十二年矣。

劉王氏 現年五十四歲

劉王氏。錦縣人。嫁五年而鰥。翁姑在堂。遺孤稚弱。勤劬自給。以養以教。凡三十餘年。

孫周氏 現年七十歲

孫周氏。錦縣人。年十九于歸。孫氏家貧甚。夫經商遠鄉。氏拾柴助炊。紡織易米。劬勞奉翁姑。以孝著鄉里。夫故後。清苦愈甚。晝夜力作。教子成立。衣食無虞矣。

申喬氏 現年五十九歲

申喬氏。錦縣人也。翁姑早世。家甚貧窶。二十歲夫故。無子。有夫妹方八歲。愛撫備至。至於成立。鄉黨矜式焉。

韓穆氏 現年六十一歲

韓穆氏。錦縣人。夫卒時年二十一。而夫纔十七歲也。翁姑在堂。有夫弟。僅數齡。氏守志以養以教。至弟長成。遠出經商。音問遂絕。而翁姑相繼病歿。棺衾殯葬。皆氏

十指出焉。於是遠近稱賢孝也。

一八

任 李 氏 現年 七十一歲

任李氏。錦縣人。任儒之繼室也。事親賢孝。相夫有禮。二十六歲夫故。母欲奪其志不可。值庚子亂起。兵匪過處。里無居人。孀嫠多改節。氏則艱辛備歷。終不易其志。姑臥病牀第。朝夕侍湯藥。哺飲食。浣除污穢。未嘗少怠。里人以純孝稱之。有夫弟三人。皆異炊。及翁姑歿。見幼弟不能治生。境遇又窘迫。乃召與同居。時資助之。今年壽七十一歲。守節凡四十五年云。

何 陳 氏 現年 六十三歲

何陳氏。錦縣人也。嫁後翁病痿。朝夕從旁護持之。期年竟卒。夫抑鬱思慕。媾瘋疾。遇人即詬詈。杖擊。氏亦不免焉。嘗狂躁奪門出。奔村人圍。氏必負傷痛。尾勸之歸。雖杖之不去。光緒二十二年生子承宗。二十八年生女承信。家素寒微。至是饗殮。時不繼。爲人力傭。始足養其姑。二十九年。夫疾小愈。赴營口謀生計。尋發病死。氏奉姑守節。撫兒女。凡三十餘年。家以小康。

北 鎮 縣

王 張 氏 現年 七十歲

王張氏。北鎮縣人。二十四歲喪夫。勤謹養翁姑。以節孝有聲鄉里。翁歿後。姑又病瘦。有勸之異居者。辭曰。姑娘相依。命也。共憐。我去將奈姑何。夙夕侍其姑湯藥。無或違離。旬餘姑卒。而氏無少恙。茹苦含辛。守節四十餘年。孤子成立矣。

于張氏 現年六十歲

于張氏者。于景清之妻。而處士張景舒之女也。夫卒。勤苦自守。孝事翁姑。教撫夫弟。及弟生子。遂以爲嗣焉。

熱河省

豐寧縣

李邢氏 歿年六十三歲

李邢氏。豐寧縣人。幼失恃。嘗受後母凌虐。而孝事無怨懟意。十五歲適李永昶。越十四年夫故。姑老子幼。家貧。紉績自給。以節孝聞於鄉里。年六十三病卒。

隆化縣

沈王氏 現年六十六歲

沈王氏。河北清苑縣人。性情貞靜。通曉詩書。二十五歲嫁沈仁傑。躬勤劬勞。日久

無怨言。夫故仰藥求死。翁姑救之。勸曰。汝從夫於義固順。然我兩老衰病。纏綿行。即就木。風燭之年。誰復憫恤焉。乃不死。嗣猶子以紹其宗。守節四十一年。

譚 韓 氏 現年 九十一歲

譚韓氏。山東濟南人。家熱河隆化縣姚吉營。十七歲于歸。翁姑在堂。氏躬勤侍奉。頗得翁姑歡。二十一歲。夫以勞瘵死。遂守志。教成其子女。今有孫矣。

康
德
三
年

烈

婦

傳

烈婦傳

奉天省

鐵嶺縣

孫李氏

李

氏

殉年三十二歲

孫李氏奉天鐵嶺縣李深墨之女。孫嘉珍之妻也。四德兼備。閭里咸欽。當其夫病篤時。烈婦籲天求代。病終不起。乃將衣飾等物。悉數委小姑收存。復啓箱更衣。凝粧端坐。若有事焉。移時形容頓變。衆知有異。惶而問之。始知烈婦已預仰毒劑矣。距嘉珍死後。僅八小時耳。

康
德
三
年

懿
行
傳

懿行傳

濱江省

肇東縣

李家脩

現年四十七歲

李家脩扶餘縣人。幼喪父。天性孝慈。淡於榮利。事親能婉曲承意。十八歲爲宣講堂教授。論王道禮義。皆有宗則。民國元年。集資修萬石橋於其鄉。旋籌賑災區十數處。九年乃遷居肇東。即創設醫院。所以利貧苦殘老廢疾者。十一年創立男女學校。有生八十人。均曉以王道孝悌之義。世變時。成立萬國紅十字會。收容難民傷兵。全活無算。家脩爲人樂善好施。與嘗語人曰。平生心志。實願老安少懷。生死者皆有歸。乃無憾矣。

錦州省

盤山縣

關田氏

現年四十一歲

關田氏。盤山縣人。幼嫻禮訓。性好施與。每見貧兒無力入塾讀書。即感歎咨嗟。因輸其土田納之學官。以爲興學之資。計地十三畝三分三厘。磚房十五間。值國幣四千元云。

彰武縣

王占山 現年四十六歲

王占山。彰武縣人。經商失學。遂有教育英才之志。大同元年。縣立第八學校。建築校舍。而場所久覓不當。占山即以郭宗店基地二畝輸之縣官。並助資二百五十元云。

康
德
四
年

孝

子

傳

孝子傳

黑 河 省

烏 雲 縣

富 文 秀 現年 二十八歲

富文秀黑河省瑗瑯縣人。幼失怙。事母孝謹。篤於行義。能承母歡。鄰里鄉黨咸稱譽之。

龍 江 省

龍 鎮 縣

岳 德 全 現年 三十八歲

岳德全通化省通化縣人。天性純孝。業農以爲養。父卒事母益謹。二十餘年。未嘗稍違親意也。

訥 河 縣

李 福 祿 現年 四十六歲

李福祿。濱江省綏化縣人。幼爲耕農。未嘗學問。家貧。事親甘旨無缺。親之所嗜。雖昂必購之。有兩弟。均小弱。福祿教以義方。嘗謂兩弟曰。吾家貧。未能讀書。命也。然爲人子。須盡孝道。雖不致富。亦可使父母增壽考。兩弟爲之感化。知孝謹焉。

林 甸 縣

劉 希 泉 現年 五十四歲

劉希泉。吉林省長春縣人。幼時嘗讀書。後業農。事親篤孝。某年父疾。希泉親侍湯藥。嘗而後進。並焚香默禱。祝脫苦厄。父母有不悅。則愉色怡聲。以娛奉之。必歡慰。而後始安。兄弟翁翁。鄉里慕其行焉。

泰 來 縣

劉 忠 義 現年 四十四歲

劉忠義。吉林省懷德縣人。幼失怙。母育之成人。事親知承顏順命。平生無一語拂親意。一鄉皆稱其孝焉。

開通縣

彭庚甲 現年四十八歲

彭庚甲奉天省法庫縣人。五歲喪母。依父業農。以成立。民國十六年。父病瘵。庚甲日侍湯藥。未嘗廢離。出入背負。從無慍色。逾八年。父歿。哀毀盡禮。與母合葬焉。

洮安縣

蘇文福 現年三十五歲

蘇文福奉天省康平縣人。業農。事親孝謹。聞於鄉。疾則侍湯藥。片刻不離。平時敬順無違。可謂孝矣。

洮南縣

蔡守元 現年四十九歲

蔡守元錦州省錦縣人也。天性孝友。家貧業農。以爲養。父病奉湯藥。必先嘗之。衣不解帶者數閱月。父歿。哀毀幾絕。喪葬畢。遷洮南。爲人傭。以奉母。母嘗戒之曰。服役於人者。必誠謹以事之。然後取其值。始能問心無愧也。守元聞之。奉行維謹。平

時從無一事拂母意。其後母病痺痿。動轉維艱。守元侍奉備至。十六年如一日。鄉里稱之。

鄭和 現年 四十五歲

鄭和。錦州省錦縣人。幼年失恃。事父孝謹。家雖貧。而甘旨無缺。偶有疾。則親侍湯藥。晝夜不懈。常語人曰。有生之年。決不違背老父之意。致使吾母感々於地下也。噫如鄭和者。可謂孝思不匱者矣。

秦康縣

趙增 喜 現年 六十歲

趙增喜。奉天省蓋平縣鑲黃旗人。父早卒。事母先意承志。家貧而甘旨無缺也。

依安縣

段世寬 現年 五十九歲

段世寬。錦州省朝陽縣人。性純孝。事父母無違。父歿。哀痛逾恆。發喪後。移居呼蘭。勤勞以奉母。民國十四年。遷依安縣。母又病歿。世寬竭力營喪葬。謂其三子曰。汝祖考妣相繼逝世。吾已無意於人世矣。汝等成立。幸勿以我為念。乃於數千里外。

迎父靈與母合葬。廬墓終身焉。

克山縣

趙純禮 現年 五十一歲

趙純禮。錦州朝陽縣人。幼孤。家窶貧。行乞以爲養。及長。備於農。稍裕餘矣。年三十。三娶婦某氏。不淑。不能侍母。勸之弗改。離焉。或有勸再娶者。不應曰。吾不忍以妻室而傷母心也。因由原籍來克。卜居莽蘆村。樵柴奉母。數十年如一日焉。

高步雲 現年 五十二歲

高步雲。奉天瀋陽縣人。年幼失恃。隨父攻書史。家道寒微。於民國十七年。携眷來克山。北興鎮。購薄地二十晌。耕讀以資生。因家焉。翌年兩弟相繼歿。遺弟婦幼姪而胡匪適。於是時擾亂。家產爲之蕩然。父憂之成疾。莫能興。步雲親侍湯藥。不離左右。凡意之所欲。必力致之。父病良愈。平時以禮讓訓子姪。教之藝能。俾各得自立。人皆謂步雲能孝其親。而善教其子姪也。

齊齊哈爾市

喬樹人 現年 四十二歲

喬樹人。龍江省龍江縣人。父早卒。事母至孝。民國四年。母患眼病失明。每飲食步履。必躬侍。出告返面。克誠克敬。二十餘年。有如一。日。鄰里鄉黨。咸稱孝焉。

三 江 省

寶 清 縣

王 士 長

現年 五十四歲

王士長。安東省寬甸縣人。事親能曲。意承志。昏定晨省。出告返面。數十年如一日。孝名著於鄉里。

曲 長 聲

現年 四十一歲

曲長聲。寶清縣人。事父孝。每食必爲父具甘旨。有疾親侍湯藥。嘗而後進。父年七十八。目瞽耳聾。不能治事。長聲朝夕侍側。未嘗暫離。事變時。負父避亂村外。彈丸雨集。父子卒無恙。人謂仁孝之報也。

滿 英 奇

現年 六十八歲

滿英奇。安東省岫巖縣人。民國五年。遷寶清因家焉。天性孝友。母早逝。奉父維謹。

昏定晨省。冬溫夏清。終年不懈。某歲匪氛日惡。避匪者接踵相去。英奇以父年過百。不能遷徙。匪至。英奇跪求曰。余家貧親老矣。此身者。父賴以爲養也。不可一日違離。願加憫察。匪義而釋之。民國十七年。父享壽百十三歲。病劇時。親侍湯藥。日夜不離。卒不起。遺囑爲道士。廬墓三年。服滿蓄髮出家。以終老焉。

張亞東 現年 三十七歲

張亞東。濱江省呼蘭縣人。幼時嘗讀書。後業農。事親篤孝。父歿。家務悉遵母命而行。食必甘旨。十餘年。承順無違。人稱孝子焉。

孫明武 現年 三十八歲

孫明武。山東人也。性至孝。父卒。事母益謹。家貧負販以爲養。母疾。親侍湯藥。未嘗暫離。平生無一事拂母意。可謂孝矣。

羅鴻章 現年 二十五歲

羅鴻章。奉天省蓋平縣人。秉性忠厚。事親承順無違。自高中退學後。卽以教學爲養。父母有疾。親侍湯藥。未嘗遠離。妻子感其行。知孝謹焉。

楊榮森 現年四十四歲

楊榮森，吉林省伊通縣人。事親能得其歡心，有疾侍湯藥，衣不解帶，二十餘年，未嘗稍違親意也。

方正縣

張崇禮 現年三十五歲

張崇禮，三江省方正縣人。十歲喪父，由母撫育成。人。家貧，幼時就傅讀，及長習商賈，得資則以奉母甘旨，而持身儉約，順意承歡，未嘗稍懈也。

鳳山縣

崔連璧 現年六十二歲

崔連璧，奉天省遼陽縣人。性誠樸，知孝謹，家貧爲人傭以養。光緒三十二年，歲饑隨父徙家東豐縣。越數年盜賊蜂起，民不聊生，復遷至鳳山縣。因家焉。翌年父病歿，痛不欲生，恐增母悲，節哀以事母。食必具甘旨，侍奉備至。母患病甚篤，連晝夜涕泣，延醫侍藥，寢食俱廢，仍無效。乃祈禱關帝廟，願減己壽以益母算。不數日

母病果愈。今年母壽八十有七。精神猶嬰鑠如常。人謂連璧善養所致也。

牡丹江省

虎林縣

周洪章 現年四十一歲

周洪章。安東省安東縣人。事母篤孝。家雖貧而甘旨無缺。有所命則敬諾無違。聞者稱其孝焉。

焉 寅 甲 現年五十九歲

焉寅甲。原籍山東海陽縣人。現住虎林。業農。事親能盡其孝。晨昏省定。依侍左右。未嘗一日離也。其父母年近八十。猶嬰鑠如常。而寅甲行年亦五十餘矣。承歡如童時云。

趙慶財 現年五十八歲

趙慶財。牡丹江省虎林縣人也。事父母先意承志。食必甘旨。昏定晨省。久而不懈。君子謂慶財能事親矣。

密山縣

譚景和 現年五十九歲

譚景和。錦州省北鎮縣人。幼而失怙。事母益孝謹。家貧。山籍。移居密山。習賈以爲養。每食必爲母具甘旨。而自與妻子甘粗糲。衣母以裘葛。而已則鶉衣百結。三十餘年。承歡膝下。未嘗一日離也。民國十八年。中俄之役。全城迫于炮火。彈丸雨集。景和置全家於不顧。獨負母避難北城溝下。及妻子相繼追至。圍護左右。而俄人炮彈落於附近者數枚。幸未中傷。全家卒得無恙。人謂景和之孝誠感格所致云。

濱江省

蘭西縣

井懷五 現年五十五歲

井懷五。濱江省蘭西縣人。業農。自幼承繼伯母爲嗣。起居食飲。奉侍甚謹。平時無一事違親意。人稱孝子焉。

雙城縣

劉鳴岐 現年六十四歲

劉鳴岐濱江省雙城縣人。幼時讀書。及長出仕。民國四年。以母年逾古稀。毅然辭職歸侍。歷時十有五年。凡所以娛親者。無所不用其極。母歿。哀毀骨立。喪葬盡禮。鄉黨以能養生送死稱之。

周鳳岐 現年三十歲

周鳳岐錦州省黑山縣人。少孤。賴母耕織。撫之成人。及長。以艱苦治生。將順親心。先意承志。二十餘年。未嘗稍懈。鄰里矜式焉。

郭爾羅斯後旗

烏勒吉托克托胡 現年四十歲

烏勒吉托克托胡。郭爾羅斯後旗人也。天性純孝。父早卒。事母益謹。母偶染時疫。頻吐瀉。衾具穢染。克托胡與妻躬親洗滌。調藥餌。衣不解帶者月餘。母病良愈。嘗曲意以博親歡。出告返面。不違禮義。有子姪。教之成立。門以內雍々如也。

通化省

輯安縣

申延安

現年四十四歲

申延安通化省輯安縣人。家貧而事母至孝。業負販。從不遠行。朝出夜歸。得微利必以供甘旨。承歡膝下。數十年如一日焉。

于振河

現年四十四歲

于振河通化省輯安縣人。孝行根於天性。能勤儉治家。而事親甘旨無缺。父老病臥起維艱。振河左右侍奉。不稍懈怠。及父病瘳。母復病。臥牀不起者數年。振河夫婦侍之如事父。以是孝行著聞鄉里。

安東省

安東縣

張學禮 現年四十五歲

張學禮安東省安東縣人。性篤孝。少孤。母珍愛之甚。而學禮未嘗恃愛驕縱。有負

母意也。成婚後。侍母益謹。昏定晨省。寒暑靡間。母病傷寒。侍湯藥。嘗而後進。外祖家貧。嘗奉鉅資。以悅母心。母歿。哀毀逾恒。水漿不入口者數日。鄉里稱孝子焉。

莊河縣

劉克順 現年六十四歲

劉克順。安東省莊河縣人。事親知孝謹。家貧而菽水常豐。平時善承顏色。出告返而無一語拂親意也。

蕭德甫 現年五十一歲

蕭德甫。安東省莊河縣人。性至孝。事親無慍色。知承顏順命。母病侍奉惟謹。湯藥澆濯。必躬親之。未嘗一日廢離也。

孫兆祥 現年四十歲

孫兆祥。安東省莊河縣人。純孝出天性。母病。兆祥跋涉百里外。延醫親侍湯藥。不離左右。有所欲必力致之。未嘗有幾微難色也。

陳耀卿 現年六十五歲

陳耀卿。安東省莊河縣人。事親至孝。能救水承歡。父被罪繫奉天獄。耀卿亦隨之。去居逆旅。趨承起居。嗣以事無終期。乃於奉天開設客棧。每日親送飲饌。四年不間。以慰親心。父病歿。扶柩回籍。禮葬之。有繼母。耀卿事之如事父。鄉里稱孝焉。

孫 維 成 現年 六十三歲

孫維成。安東省莊河縣人。事母孝。能致其歡心。母病侍湯藥。未嘗暫離。母卒。痛幾絕。喪葬盡禮。鄉里美之。

岫 巖 縣

滿 懷 甲 現年 三十一歲

滿懷甲。安東省岫巖縣人。業農。事親篤孝。康德二年四月間。兵匪交戰於溝湯。父被流彈傷。臥地不能起。孝子聞耗。奔赴。彈雨中負父歸。進醫藥。衣不解帶者數閱月。父傷良愈。鄉里稱孝焉。

李 夢 麟 現年 五十四歲

李夢麟。安東省岫巖縣人。事父母先意承志。出告返面。數十年如一日焉。

羅延喜 現年 三十八歲

羅延喜。安東省岫巖縣人。事父母能竭其力。日必博父母歡笑。凡足以娛親心者。無不委曲致之。以是孝行著聞鄉里。

傅連德 現年 五十八歲

傅連德。安東省岫巖縣人。性篤孝。事父母未嘗一日離。父病癱瘓。母右目失明。連德侍奉惟謹。六年如一日。父母卒。擗踊哭泣。事死如事生焉。

鳳城縣

劉清連 現年 五十八歲

劉清連。安東省鳳城縣人。事親承順。母有宿疾。清連侍奉在側。十餘年。孝敬無違。鄉里稱之。

鄒世瑞 現年 五十七歲

鄒世瑞。安東省鳳城縣人。幼失怙。事母孝謹。母病親侍湯藥。四十三年如一日焉。

高 太 良 現年 四十九歲

高太良，安東省鳳城縣人。事母孝。家貧，傭工以養。晨昏定省，數十年如一日。鄉里重之。

桓 仁 縣

李 永 芳 現年 四十一歲

李永芳，安東省桓仁縣人。天性純孝。家貧，父業農以資生。歲收甚微，屢斷炊焉。母閻氏賢甚，不以拮据而聽其子廢學。使就傅讀。數年，境益替。永芳乃棄儒就賈，擅計然之術。家竟小康。父疾，永芳親調藥餌，侍奉備至。疾劇，則徬徨無措。日夜禱天，願減己壽以益父。父卒不起。永芳搶地呼天，痛幾絕。喪葬畢，廬墓百日，恐益母悲節哀以事母。自是每食，甘旨必豐。凡足以娛親心者，永芳必力致之。嘗語人曰：父母之恩，昊天罔極。親老矣，一旦逝世，子欲養而親不在，豈非抱終身之恨也。言婉而意誠，聞者益歎其篤孝。

呂 慶 雲 現年 五十四歲

呂慶雲，奉天省本溪縣人。性至孝。七歲入私塾讀。是年母病故，父聘陳氏為繼室。

越五年。携眷來桓營。商務因家焉。父病癱瘓。轉側需人。慶雲侍疾。三年不懈。父歿。哀毀骨立。殯葬以禮。遺弱弟四人。繼母所生也。慶雲以養以教。至於成立。有過則暗斥力改。不令繼母知而不安。平時侍繼母敬順無違。鄉黨稱孝友焉。

寬 甸 縣

姜 成 庫 現年 六十四歲

姜成庫。安東省寬甸縣人。事親篤孝。親歿。廬墓三年。

錦 州 省

朝 陽 縣

趙 洪 柱 現年 四十七歲

趙孝子名洪柱。錦州省朝陽縣人也。家貧。幼爲人牧。供甘旨。叔病。親嘗湯藥。後叔病雖除。而父繼歿。家境艱窘。無以爲殮。乃質身於北票。成興棧。二年得資。以葬父。現母與叔俱臻古稀之年。而菽水承歡。從無違志。可謂孝矣。

錦 縣

李科元 現年 六十一歲

李科元，錦州省錦縣人。幼失怙，母育之成人。知孝謹，家貧，十七歲投効奉軍文案，歷保至督標親軍驍勇營。官以博母之歡慰，嗣以擊匪中傷，遂改任文職。知縣事，迎養至署，奉甘旨承顏順命。數十年未嘗稍違親意也。母病躬侍湯藥，衣不解帶者數閱月。母歿，擗踊哭泣，哀慕終身焉。

朱會卿 現年 六十七歲

朱會卿，錦州省錦縣人。年幼失恃，奉父以居。家赤貧，業賈爲養，每食必爲父具，旨酒而自甘粗糲。父病痺痿，晝夜侍奉，曲意承歡。數十年如一日。父歿，家雖貧而喪葬盡哀盡禮，嘗勸人以孝悌之道。鄰里多爲之感動。

董仲三 現年 四十六歲

董仲三，錦州省錦縣人。業農，天性篤孝，事父母知承顏順命。平生尤好博施濟衆，會輸糧數十石，現金八千元，救濟地方貧民，恭謹樸厚，鄉里化之。

劉煥文 現年 四十二歲

劉煥文，錦州省錦縣人。幼年喪父，事母益孝謹，家貧佃樵以爲養，數口之家，饗殮

時感不繼。而奉母則甘旨無缺也。生平謹厚。與人營商於外。十年然後歸。菽水承歡。昏定晨省。將侍母終老焉。

興城縣

程

漢

現年二十八歲

程漢錦州省興城縣程會永之子。未嫻詩書。而天性篤厚。知孝謹。七歲時。母患癱瘓。兩手不能動轉。飲食臥起。舉恃於人。孝子年雖稚。侍母飲食。哺而後進。出入行動。必隨從扶持。迄今二十餘年。毫無倦怠。鄉里稱孝焉。

義縣

金

有

潤

現年六十二歲

金有潤義縣人。其居在七里河子村。才家溝屯。天性至孝。家中資。賴作工所得。以奉其親。二十二歲喪父。事母益謹。娶妻不順母意。出之。遂終身不娶。母偶不懌。則戚然懼。怡色以娛之。不至母顏歡慰不止也。每日甘旨之奉。未嘗或缺。四十年來。無一語拂母意。可謂孝矣。

彰武縣

房

振

現年 五十七歲

房振。錦州省彰武縣人。事親承順無違。能養其志。鄉里重之。

張

福

現年 六十五歲

張福。錦州省彰武縣人。事親敬順無違。年三十五父卒。事母益謹。家貧傭工以養。每食必爲母具甘旨。有疾親侍湯藥。母今年已九十。精神彌健。人謂張福善養親也。

趙

國

華

現年 四十一歲

趙國華。錦州省彰武縣人。性篤厚。事父母孝謹。值歲饑。不足以仰事俯畜。國華乃勵志勤苦。耕耘之暇。常負薪數里外求售。得資則以奉甘旨。親有憂色。則娛奉之。必歡慰而後即安。有疾親侍湯藥。終夜無倦容。人稱孝子焉。

孫

景

榮

現年 五十二歲

孫景榮。奉天省新民縣孫成之季子也。天性純孝。七歲母病歿。哀毀如成人。父續娶王氏爲繼室。有妒行。待景榮不慈。而景榮事之如生母。益恭謹焉。年三十五。父以疾卒。繼母遇之益虐。時以杖笞臨之。而景榮仍敬而不解。無怨望也。繼母懼神

病常招鄰人登門辱詈。景榮則服罪以謝。然後怡色柔聲以慰母。母病旋愈。爲其孝行所感。卒善遇之。景榮今年五十有二矣。家貧而奉母。甘旨無缺。四十五年如一日。爲鄉里所矜式。

張連科 現年六十七歲

張連科。錦州省彰武縣張全之長子也。性純孝。嘗充差於外。俸給所得。悉以奉甘旨。父母有疾。侍奉惟謹。湯藥必躬親之。有憂則和顏以慰之。承歡如孺子焉。

阜新縣

張孝先 現年三十五歲

張孝先。錦州省阜新縣人。家小康。無兄弟姊妹。父母鍾愛之甚。知孝謹。事父母能致其歡。事必躬親。未嘗假手於人也。父患神經病。嘗打罵家人。孝先跪而受之。侍奉湯藥。五年不懈。父歿。哀毀逾恒。事母益謹。鄉里以孝子稱之。

鄭慶雲 現年五十一歲

鄭慶雲。錦州省阜新縣人。家道寒微。業農以爲養。事親孝謹。聞於鄉。家雖貧而甘旨常豐。是以閭里稱重焉。

劉 廣 田

現年 六十二歲

劉廣田。錦州省阜新縣人。父早世。事母孝謹。家雖貧而甘旨無缺。年四十一。母棄養。哀毀幾不欲生。葬其母而廬於墓旁。夜深怪異百出。驚駭萬狀。人所不能堪。而廣田終不改其志。三年。縣長尹公率邑紳等躬往迎歸。敬其孝爲請旌焉。

台 安 縣

孫 萬 學

現年 四十歲

孫萬學。錦州省台安縣人。幼從師讀。及長。出任。事父母孝謹。有所命則敬諾無違。菽水承歡。怡々如也。去歲。父母俱病。時值霪雨爲災。遍地水深尺許。萬學不憚遠涉。躬求醫藥。父病月餘而愈。母則臥牀榻者半年。萬學侍奉備至。終夜不敢稍離。母每揮之去。則曰。親老矣。豈能長侍乎。如請他人代之。祇能代余之勞。不能代余之心。究不若自任之爲安也。母起。萬學患日疾。聞之。輒以痰火驟發爲對。未嘗以侍病失眠。宣示於人也。今萬學年已四十。猶依々父母側。如兒時。鄉里慕其行焉。

黑 山 縣

張 瑞 典 現年 六十八歲

張瑞典，錦州省黑山縣人。事母孝。飲食寒暖，必躬調護。母年八十有七，無疾而逝。瑞典啜粥而墨，廬墓三年。

盤山縣

王衍祥 現年四十五歲

王衍祥，錦州省盤山縣人。王惠常之次子也。幼時讀書未成，而生性樸厚，以孝友著聞鄉里。其伯父王常慶年五十而膝下猶虛，遂繼衍祥爲嗣。衍祥事嗣父甚謹，昏定晨省，衣食之奉，凡所欲者，必力致之。嗣父病，親侍湯藥，澆濯污穢，日夜凡數十次，醫治數月，病卒不起。衍祥哭泣盡哀，喪葬盡禮，鄉黨稱孝子焉。

姚鳳田 現年四十一歲

姚鳳田，錦州省盤山縣人。少孤，母撫之成人。知承順，晨昏定省，二十餘年無一事拂母意。母病侍湯藥，不離左右。母歿，哀毀骨立，悲臥牀第者數月。曾創辦姚家村立初級小學校，貧困來學者，不取其資。邑中慕其行而敬式焉。

綏中縣

劉國榮 現年七十七歲

劉國榮。錦州省綏中縣人。幼讀詩書。長任小學教員。性篤孝。家貧而奉親。甘旨無缺。母歿。廬墓三年。生平有樂育英才之志。對教授。不遺餘力。曾將窮鄉僻壤之萬寶山小學。擴充至六級之多。先後畢業者達數百人。鄉里稱重焉。

楊 萬 有 現年 五十八歲

楊萬有。錦州省綏中縣人。天性孝友。十四歲繼伯父爲嗣。以能事親聞於鄉里。嗣父母歿。以遺產歸諸公有。與胞兄同居。而盡孝養。生父嗜鴉片。無資則以米易之。並變賣其遺產。萬有承顏順命。自甘粗糲。無怨言也。

徐 文 富 現年 五十九歲

徐文富。錦州省綏中縣人。性篤孝。負販以奉甘旨。母中年失明。每飲食步履。必躬侍。數十年如一日。母歿。痛不欲生。人稱孝子焉。

楊 秀 現年 六十一歲

楊秀。錦州省綏中縣人。生三月而孤。及長。事母孝。母患癱瘓。轉側須人。孝子侍病五年不懈。嘗以車馭母出遊。以舒其悒鬱。母今年八十有四。精神彌健。人謂孝子善養親也。

寧城縣

李

樾

現年四十七歲

李樾，熱河省寧城縣人。李翰卿之子也。六歲失恃，未幾父喪，繼母袁氏撫之成人。知孝謹，繼母病廢，李樾日夜侍奉不懈。家貧，菽水承歡，怡々如也。

敖漢旗

秦

平

現年四十九歲

秦平，熱河省敖漢旗孟合白晉之次子也。少孤，事母菽水承歡，順命無違。一鄉皆稱其孝焉。

喀喇沁左旗

王

洛

德

現年六十六歲

王洛德，熱河省喀喇沁左旗人。天性溫厚，事母尤謹。家貧業農，以爲養。其母年八十餘，康強猶昔，而洛德年逾六旬矣。承歡如童時云。

王懷琳 現年五十三歲

王懷琳，熱河省喀喇沁左旗人。業農。而性至孝。家貧。事親甘旨無缺。母病侍湯藥。嘗而後進。衣不解帶。未嘗暫離。妻及子女輩。化其行。無不趨承病榻。奉侍惟謹焉。

興隆縣

劉子臣 現年五十歲

劉子臣，冀東薊縣人。孝行根於天性。父病親奉湯藥。數月不懈。病卒不起。子臣擗踊哭泣。痛不欲生。恐益母悲傷。乃節哀事母。母有不悅。則愉色怡聲以娛奉之。嘗周急濟貧。教人以善。鄉里稱重焉。

王重 現年四十二歲

王重三，熱河省寧城縣人。事親盡孝。母老病臥起維艱。重三侍晨夕。進湯藥。不稍懈。有所欲。雖價昂亦必致之。閭里稱孝焉。

建昌縣

崔雲 現年六十二歲

崔雲，熱河省建昌縣人。天性仁孝。父早卒，事母益謹。民國九年，母患目疾，坐臥不寧。雲每早爲母舐治，年餘而愈。迨至十二年，舊疾復發，藥石亦無靈矣。母歿，痛不欲生，營喪葬極哀盡禮。既葬，廬墓三年。

王 振 寰 現年 七十二歲

王鎮寰，熱河建昌縣人。幼時從父讀，能盡其孝。父母疾歿，哀毀逾恒。食飲必先祭，今年已古稀矣。孝思仍不匱也。

王 振 才 現年 六十三歲

王振才，熱河省建昌縣人。業農，事父母孝。家貧而菽水常豐。平時承順無違，親所欲，無資則樵柴以易之。數十年如一日也。

圍 場 縣

鄭 廷 勳 現年 四十九歲

鄭廷勳，熱河省赤峰縣人。業農，事母日必供甘旨，晨夕不離左右。將順親心，人稱孝子焉。

孫 鴻 喜 現年 三十 歲

孫鴻喜。熱河省灤平縣人。父早卒。家貧。衣食時感。不繼。傭工以爲養。樵柴得資。則以奉母。甘旨。有疾。侍湯藥。嘗而後進。平時承順無違。人以是稱其孝焉。

吳 鳳 林 現年 三十一 歲

吳鳳林。山東海城縣人。幼年喪父。家窶貧。無以爲養。勞其體爲人傭。以奉母。不足。則樵柴以售之。雖風雨寒暑。未嘗稍阻也。

王 景 雲 現年 三十 歲

王景雲。熱河省建昌縣人。六歲喪母。父雙目失明。家赤貧。乞食於數十里外。以爲養。雖風雨寒暑不懈也。年十四始爲人牧。每晨出。必先爲父具飲食。五年無怠。鄰人嘉其孝。租地與之耕。由是終日勤勞農事。以奉甘旨。順意承歡。三十猶未婚娶。嘗曰。事親力猶不逮。遑顧其他。

劉 祥 現年 三十四 歲

劉祥。熱河平泉人也。天性孝友。父早卒。家無恒產。爲人耕種。以養其母。母老病。侍

起居湯藥十餘年不懈。鄉里重之。

李 勝 齋 現年 二十七歲

李勝齋，熱河平泉人。李賀年之子也。家世業農，事親知孝謹。民國二十年秋，父患急症，勝齋跋涉百里外延醫，不遑喘息，奉湯藥必先嘗之，劇則禱天求代，病卒不起。哀痛逾恒，喪葬畢，事母益謹，晨昏定省，承歡盡孝，未嘗稍有忤犯也。

姚 雲 漢 現年 五十八歲

姚雲漢，山西太原人。父姚瑞山，生子五人。雲漢其長也。幼時嘗讀書，天性純孝，事親能先意承志，聽於無聲。母病，親侍湯藥，衣不解帶者三月。母歿，哀痛逾恒。三年未嘗言笑也。

丁 子 俊 現年 四十三歲

丁子俊，河北玉田縣人。天性篤厚，家貧，所入甚微，約其衣食，以供親畜弟。凡親所憂喜好惡，細微不至，人所不及察者。子俊恒先意承迎，平生無一事拂違親族鄰里。事親者，群以爲訓焉。

吳

斌

現年 三十九歲

吳斌，熱河省赤峰縣人。業農。父早世，事母孝謹。家貧而奉母甘旨無缺。有所嗜雖艱窘亦必致之。嘗讀書至祭而豐，不如養之薄也。二語，輒感動涕泣，不能自己。逢盛怒時，見母則轉忿爲歡，母有憂悶時，見子亦解顏言笑。母子相依融々如也。

劉

殿

明

現年 四十二歲

劉殿明，熱河省赤峰縣人。性至孝。八歲喪父，哀痛如成人。家貧而奉母甘旨必豐。曾爲人傭，主人賜之佳食，必留歸以奉母。晨夕定省，奔走十餘里。雖風雨無阻。母病，親侍湯藥，晝夜不離。未嘗假手妻子也。嘗戒其妻曰：子女有過，固宜嚴束。而當老人之面，則不可大加訓責。爰祖之愛孫心切，嚴則恐動親心之不安耳。其承順孝敬之心如此。故鄉里多敬其行焉。

王

文

發

現年 三十四歲

王文發，熱河省固場縣人。父早卒。業農以資生。家貧自甘粗糲，而奉母必具甘旨。母今年七十六歲，健壯猶昔。人謂文發能養親也。

宋 清 珍 現年 五十六歲

宋清珍，河北天津縣人。兄弟甚友愛，而清珍獨以孝著。母早卒，父年八十有六，食飲寒暖，必躬調護，凡意旨所在，必力赴之，勿敢稍忤焉。

康
德
四
年

孝

女

傳

孝女傳

龍江省

開通縣

張雨蘭 現年三十八歲

張雨蘭奉天省新民縣人。開通縣立仁和兩級小學校教員也。父早逝。嫡庶母在堂。弟妹皆弱小。雨蘭以教學所入。爲養撫老幼之資。有與議婚者。則曰。家貧父歿。遺族無瞻。吾苟字人。不將失所恃耶。遂誓志不嫁。今年三十有八。教學奉親。清苦自甘。猶能以所得贏餘。供弟妹等入學讀書。以養以育。足愧鬚眉。故人咸以孝女稱焉。

濱江省

雙城縣

金昌來 現年六十七歲

金昌來義縣人。幼時邑中歲饑。隨父徙家雙城。貧困艱難。莫可言狀。母素患風症。

轉側須人。賴昌來侍疾不懈。得無所苦。年三十。父衰老。兄嫂又相繼卒。遺一女。姑姪二人。勤針績以奉養。是以家雖寒微。而父母衣食無或虧也。越數年。父母相繼逝。昌來購地營喪葬。極盡哀禮。因慕玄修。惜姪女。皈依佛門。以針黹所積。購地十二畝。每歲補修親塋。並以時致祭焉。

康
德
四
年

節

婦

傳

節婦傳

新京特別市

紀 苟 氏 現年 五十七歲

紀苟氏，吉林省長春縣人，十七歲于歸，二十七歲夫亡，守節撫孤，計三十年。

吉 林 省

榆 樹 縣

李 徐 氏 現年 五十五歲

李徐氏，吉林省榆樹縣人，十九歲于歸，二十而寡，繼姪爲嗣，奉親守志，三十餘年。

龍 江 省

龍 江 縣

富 陶 氏 現年 六十歲

富陶氏。龍江省龍江縣人。年十七。適富連英。二十三夫亡。事姑育子。節守三十七年。

六〇

吳 隗 氏 現年 六十六歲

吳隗氏。關東州人。十九歲歸吳世璋。越三年而寡。守節撫孤。四十餘年。

孟 楊 氏 現年 七十五歲

孟楊氏。龍江省龍江縣人。十五歲歸孟願克布。十八歲夫卒。上事翁姑。下撫孤兒。節守五十七年。

劉 張 氏 現年 六十九歲

劉張氏。龍江省龍江縣人。年二十四而寡。事姑育子。節守四十五年。

康 呂 氏 現年 六十二歲

康呂氏。龍江縣人也。二十一歲于歸。二十八歲夫亡。繼族姪爲嗣。奉親守志。三十餘年。

王 汪 氏 現年 六十三歲

王汪氏。龍江縣人。二十六歲而寡。繼夫兄子雲章爲嗣。奉親守志。三十餘年。

崔 陳 氏 現年 六十八歲

崔陳氏。龍江省龍江縣人。三十歲喪夫。事姑育子。節守三十八年。

梁 岳 氏 現年 五十六歲

梁岳氏。龍江省龍江縣人。二十四而寡。子二相繼夭折。以夫兄子鴻禧承繼。守節事親。三十二年。

甘 南 縣

陳 盧 氏 現年 八十一歲

陳盧氏。奉天省海龍縣人。年十七嫁陳德新。三十爲嫠。上侍舅姑。下撫孤兒。節守五十餘年。

富 裕 縣

高 王 氏 現年 六十四歲

高王氏，農安縣民高立祥之妻也。十七歲于歸，二十五歲而寡，守節撫孤，計三十九年。

六二

訥河縣

徐 曹 氏 現年 六十三歲

徐曹氏，訥河縣人。年十七歸徐，年二十三歲夫亡，以族兄子連福承嗣，守志奉親，四十年矣。

張 劉 氏 現年 六十一歲

張劉氏，撫順縣會元堡村劉廣德之女也。生而篤孝，五歲時母病不能興，氏跪地籲天，求益母壽，越年母喪，哀痛逾成人。父業績所入微，恒終日不博一飽，氏樵蘇盪汲，以分父勞，一飯之餐，必先飽其父弟，已則咽粗糲，枵腹勞作，不午夜不休也。年十三，父病癱瘓，生機將絕，氏慨然以家事爲己任，就鄰女習女工，巧思善悟，有神針之目。由是遐邇爭購，得資供父藥餌，合家溫飽焉。氏性剛毅勤儉，善居積，以所蓄資，弟就傅讀，歷九年，復使弟習商賈，謀自立以養其父，及弟之能養也，始歸同邑張玉臻爲室，於是年二十有二矣。翁姑早世，惟祖姑在堂，氏侍之維謹，翌年冬生一子，誕後十三日，家屋突遭回祿，烈焰崩騰，家人均陷身火窟中，當是時，氏

奔走駭汗。往烈焰中者四次。卒將祖姑及夫子負救而出。通身火焰。髮膚爲焦。一鄉莫不驚歎。稱其智勇剛毅。是役也。死于火者七人。幸祖姑及幼子無恙。惟其夫灼傷遍體。火毒內熾。劫後灰餘。一籌莫展。氏強忍自身之痛苦。撤環釧。易資糧。以爲祖姑之養。療夫疾。茶爐藥鼎。日側其間。衣不解帶者六年。祖姑以百零二高齡始卒。其夫以久病之身。繼以驚痛。相繼而亡。氏茹苦含辛。吞聲飲泣。欲以身殉。繼思呱呱在抱者。依託無人。乃本守節以撫孤爲先。盡孝以無後爲大。勉節哀思。董理二喪。莫不盡禮。窶窶雖安。而債台高築矣。於是抱子携女。瘁於耕作。入夜機聲。恒達旦焉。氏之教育子女也。訓之以耕讀。規之以節孝。兢兢業業。三十餘年。卒能娶婦嫁女。家業復興。今年逾花甲。孫曾繞膝。精神益健。人謂節孝之報也。

德 都 縣

田 趙 氏 現年 七 十 歲

田趙氏朝陽縣人。二十三歲喪夫。事親育子。節守四十七年。

趙 王 氏 現年 五 十 五 歲

趙王氏綏化縣人。二十三歲而寡。守節撫孤。三十餘年。

宋 蕭 氏 現年 五十七歲

宋蕭氏呼蘭縣人。二十四歲夫亡。守節撫孤。三十餘年。

龍 鎮 縣

林 康 氏 現年 八十六歲

林康氏綏化縣人。二十二歲歸林長青。越二年而寡。守節撫孤。六十餘年。

厲 馬 氏 現年 七十二歲

厲馬氏綏化縣人。年十六適厲萬才。二十三夫亡。守節撫孤。四十餘年。

薛 朱 氏 現年 五十九歲

薛朱氏昌黎縣人。十八歲歸薛德。二十九而寡。無子女。茹苦守節。計三十年。

克 東 縣

張 周 氏 現年 六十五歲

張周氏榆樹縣人。二十三爲孀。無子女。茹苦守節。四十餘年。

克山縣

鄭于氏 現年七十三歲

鄭于氏榆樹縣人。年十四歸鄭萬金。二十六夫亡。守節撫孤。四十餘年。

林甸縣

王劉氏 現年六十二歲

王劉氏長春縣人。十九歲歸王顯清。越五載而寡。撫孤守節。三十餘年。

韓周氏 現年六十四歲

韓周氏雙城縣人。二十一歸韓坤林。二十三夫亡。上侍舅姑。下撫孤弱。守志四十年。

泰來縣

柏莫氏 現年五十五歲

柏莫氏懷德縣人。十五歲于歸。二十歲夫亡。守節撫孤。三十五年。

趙 徐 氏 現年 五十二歲

趙徐氏。新民縣人。十八歲于歸。二十歲夫亡。事親撫孤。節守三十餘年。

大 賚 縣

于 蔡 氏 現年 七十四歲

于蔡氏。農安縣人。年二十歸于自忠。三十而寡。事親育子。節守四十四年。

安 廣 縣

石 王 氏 現年 六十四歲

石王氏。安廣縣人。十七歲于歸。二十七歲夫亡。守節撫孤。三十七年。

臧 吳 氏 現年 五十八歲

臧吳氏。安廣縣人。年二十適臧殿功。二十八而寡。事親育子。計三十年。

張 王 氏 現年 六十七歲

張王氏。安廣縣人。十八歲適張財。二十二歲夫亡。守節撫孤。四十五年。

金 王 氏 現年 六十二歲

金王氏。安廣縣人。年十七于歸。二十七而寡。守節撫孤。三十五年。

楊 史 氏 現年 五十四歲

楊史氏。安廣縣人。十七歲歸楊鳳鳴。二十二夫亡。守節撫孤。三十二年。

洮 南 縣

白 張 氏 現年 六十五歲

白張氏。密雲縣人。十九歲歸白玉喜。二十六歲夫亡。無子女。茹苦守節。三十九年。

開 通 縣

王 李 氏 現年 七十一歲

王李氏。農安縣人。二十三歲夫亡。事親育子。節守四十餘年。

瞻 榆 縣

祝 孫 氏 現年 七十八歲

祝孫氏。撫順縣人。年十八適祝來順。五載而夫亡。事親育子。守志五十五年。

六八

三江省

樺川縣

高孫氏。現年七十八歲。

高孫氏。懷德縣人。十七歲于歸。二十而寡。撫孤守節。五十八年。

富錦縣

高王氏。現年六十九歲。

高王氏。岫巖縣人。十九歲適高茂品。二十八歲夫亡。守節撫孤。四十餘年。

寶清縣

徐盧氏。現年六十九歲。

徐盧氏。三十歲爲孀。撫孤守節。三十九年。

楊劉氏。現年五十九歲。

楊劉氏。本溪縣人。二十四歲喪夫。守節撫孤。三十五年。

徐 盧 氏 現年 七十五歲

徐盧氏。寶清縣人。二十五歲爲孀。撫孤守節。五十年。

方 正 縣

趙 劉 氏 現年 五十四歲

趙劉氏。方正縣人。十七歲于歸。二十二歲夫亡。事親育子。守節三十二年。

通 河 縣

曲 王 氏 現年 六十八歲

曲王氏。營口縣人。三十歲爲孀。守節撫孤。三十八年。

鳳 山 縣

王 張 氏 現年 八十四歲

王張氏。安東縣人。十九歲歸王鳳岐。二十五歲而寡。事親育子。守志五十九年。

牡丹江省

寧安縣

黃 王 氏 現年 八十 歲

黃王氏。寧安縣人。二十五歲夫亡。事親育子。節守五十五年。

李 張 氏 歿年 七十二 歲

李張氏。寧安縣人。十八歲歸李庭芳。二十六而寡。上侍翁姑。下撫子女。守志四十餘年。

關 吳 氏 現年 五十三 歲

關吳氏。寧安縣人。協領雙勝之女。適瓜勒佳氏子賡瑞。二十四歲夫亡。事親育子。守節三十年。

密山縣

于 趙 氏 現年 六十四 歲

于趙氏。雙城縣人。年十八適于景海。嫁甫九月而夫歿。繼夫姪海林承祧。奉親守志。四十餘年。

濱江省

賓縣

吳張氏。台安縣人。歸吳青林。二十七歲而寡。守節撫孤。三十歲。現年六十歲。

蕭田氏。賓縣人。年二十適蕭萬鈞。三十而夫亡。守節撫孤。四十二年。現年七十二歲。

于李氏。賓縣人。年二十五歲歸于順。結褵僅八十日而寡。繼族姪于獻奇爲嗣。奉親守志。三十五年。現年六十一歲。

王李氏。賓縣人。年二十五而寡。守節撫孤。四十七年。現年七十二歲。

王李氏。賓縣人。年二十五而寡。守節撫孤。四十七年。現年七十二歲。

王李氏。賓縣人。年二十五而寡。守節撫孤。四十七年。現年七十二歲。

雙城縣

劉李氏 現年 七十八歲

劉李氏 雙城縣人。二十二歲爲孀。事親育子。節守五十六年。

文蘇氏 現年 六十九歲

文蘇氏 雙城縣人。二十四歲夫亡。繼族姪爲嗣。奉親守志。四十五年。

馬關氏 現年 六十九歲

馬關氏 雙城縣人。二十五歲夫亡。事親育子。節守四十四年。

鄂白氏 現年 五十九歲

鄂白氏 雙城縣人。二十五歲爲孀。守節撫孤。三十四年。

關芝氏 現年 五十二歲

關芝氏 雙城縣人。十八歲喪夫。繼子爲嗣。節守三十四年。

戰劉氏 現年 六十八歲

戰劉氏 蓋平縣人。年二十三而寡。撫孤守節。四十五年。

李 姜 氏 現年 七十七歲

李姜氏雙城縣人。二十二歲而寡。守節撫孤。五十五年。

錢 張 氏 現年 六十歲

錢張氏榆樹縣人。二十一歲夫亡。守節撫孤。三十九年。

秦 王 氏 現年 七十七歲

秦王氏雙城縣人。年二十六喪夫。繼子承嗣。奉親守志。五十一年。

馬 耿 氏 現年 六十八歲

馬耿氏金州人。二十八歲夫亡。撫孤女。繼子爲嗣。節守四十年。

趙 白 氏 現年 七十七歲

趙白氏雙城縣人。二十歲而寡。繼子承祧。節守五十七年。

珠 河 縣

王 金 氏 現年 八十九歲

王金氏遼陽縣人。金業之女也。年十九歸王廣盛。越四載夫亡。守節撫孤。六十六年。

七四

郭爾羅斯後旗

尙 萬 氏 現年 六十一歲

尙萬氏郭爾羅斯後旗人尙萬湖之妻也。年二十而寡。撫孤守志。四十一年。

王 劉 氏 現年 六十七歲

王劉氏郭爾羅斯後旗人。二十五歲夫亡。撫孤守節。四十二年。

哈爾濱市

程 李 氏 現年 七十七歲

程李氏哈爾濱市人。年十九適程玉。二十八歲夫亡。家境寒微。事親撫孤。守節四十九年。

周 馬 氏 現年 七十歲

周馬氏興城縣人。十五歲歸周齡。二十二而寡。生子甫。六月也。事親撫孤。守志四

十八年。

趙 劉 氏 現年 六十九歲

趙劉氏。滎陽縣人。孝廉劉明敍次女也。年二十一。嬪趙允藏。三年而夫卒。善事舅姑。撫育孤子。節守四十五年。

侯 陳 氏 現年 六十歲

侯陳氏。奉天市人。侯志清之室也。十七歲于歸。二十四而寡。以姪輔臣承嗣。事姑育子。守志三十六年。

王 劉 文 惠 現年 五十七歲

王劉文惠。雙城縣人。二十四歲適同里王尊先。期年夫歿。上侍舅姑。下撫幼子。守節三十二年。

通 化 省

通 化 縣

勇 張 氏 現年 七十四歲

勇張氏。通化縣人。年二十八而寡。撫孤守節。四十六年。

張 裴 氏 現年 六十五歲

張裴氏。通化縣人。二十六歲夫亡。守節撫孤。三十九年。

輯 安 縣

王 趙 氏 現年 五十二歲

王趙氏。輯安縣人。年十七嫁王志和。二十二而寡。撫孤守節三十年。

葉 董 氏 現年 六十三歲

葉董氏。鳳城縣人。十七歲適葉氏。五年而夫亡。撫孤守志。四十餘年。

劉 玉 美 現年 七十一歲

劉玉美。興京縣人。年十九歸同里趙玉珍。二十九夫亡。守節撫孤。四十二年。

臨 江 縣

董 金 氏 現年 五十七歲

董金氏。臨江縣人。二十三歲爲孀。事親育子。節守三十四年。

長白縣

于孫氏。現年九十六歲

于孫氏。長白縣人。年十九適于兆鳳。二十七而寡。茹苦守節。六十九年。

盧安氏。現年六十七歲

盧安氏。長白縣人。二十七歲于歸。未及嫁而夫死。乃歸盧氏。奉親稱婦職。守志四十年。

安東省

安東縣

洪馬氏。現年六十二歲

洪馬氏。安東縣人。二十三歲。未嫁而夫亡。即歸洪氏。茹苦守節三十九年。

張林淑德。現年五十一歲

張林淑德安東縣人。二十一歲于歸。期年而寡。遺孤早殤。奉親守節。二十九年。

田 于 氏 現年 六 十 歲

田于氏安東縣人。二十九歲爲孀。撫孤守節。三十一年。

宋 陶 氏 現年 六 十 一 歲

宋陶氏安東縣人。年十九歸宋日新。越四年夫卒。撫孤守節。四十餘年。

于 王 氏 現年 六 十 四 歲

于王氏安東縣人。年三十而寡。撫繼子以續宗嗣。節守三十四年。

叢 于 氏 現年 七 十 三 歲

叢于氏安東縣人。年二十八夫亡。撫孤守節。四十餘年。

佟 姜 氏 現年 七 十 四 歲

佟姜氏安東縣人。十八歲而寡。撫孤守節。五十六年。

溫 李 氏 現年 六 十 四 歲

溫李氏。安東縣人。二十六歲夫亡。撫孤守節。三十八年。

朱楊氏。現年七十五歲。

朱楊氏。安東縣人。二十八歲爲孀。撫孤守志。四十七年。

王劉氏。現年六十歲。

王劉氏。安東縣人。十九歲于歸。二十五歲夫亡。事親撫孤。守節三十五年。

孫高氏。現年七十六歲。

孫高氏。安東縣人。年二十五夫死。嗣姪承宗。桃節守五十二年。

莊河縣

劉解氏。現年八十歲。

劉解氏。莊河縣人。二十五歲適劉氏。二十八夫亡。依夫弟度日。茹苦守節。五十餘年。

戴任氏。現年六十四歲。

戴任氏。莊河縣人。二十三嫁夫。越年而寡。事親撫孤。守節四十年。

倪 王 氏 現年 七十七歲

倪王氏。莊河縣人。年十七于歸。未期年而夫亡。事親撫孤。節守五十九年。

童 宋 氏 現年 七十二歲

童宋氏。莊河縣人。十九歲歸童氏。二十三而寡。事親撫孤。節守四十九年。

逢 姚 氏 現年 七十六歲

逢姚氏。莊河縣人。二十八歲夫亡。事親育子。節守四十八年。

宋 任 氏 現年 五十八歲

宋任氏。莊河縣人。年二十六爲孀。以弟子廣順爲嗣。奉親守志。三十二年。

張 陳 氏 現年 七十一歲

張陳氏。莊河縣人。十九歲于歸。二十八歲夫亡。事親撫孤。節守四十三年。

王 劉 氏 現年 九十六歲

王劉氏。莊河縣人。二十而嫁。二十六歲夫亡。撫孤守節七十年。

岫巖縣

李趙氏 現年七十二歲

李趙氏 岫巖縣人。十九歲于歸。二十四歲夫亡。撫孤守節。四十餘年。

王石氏 現年六十二歲

王石氏 岫巖縣人。十九歲于歸。二十九歲夫亡。事親育子。三十三年。

馮張氏 現年六十六歲

馮張氏 岫巖縣人。二十三歲適馮氏。三十而寡。以姪殿舉爲嗣。奉親守志。三十六年。

莊湯氏 現年五十九歲

莊湯氏 岫巖縣人。二十一歲嫁夫。越二年而寡。事親撫孤。節守三十六年。

趙蔡氏 現年八十歲

趙蔡氏 岫巖縣人。二十三歲于歸。二十九歲夫亡。撫孤守節。五十一年。

葛 鄒 氏 現年七十歲

葛鄒氏。岫巖縣人。嫁期年而寡。時年二十二。無所出。以弟子承繼。節守四十八年。

劉 欒 氏 現年六十四歲

劉欒氏。岫巖縣人。二十一歲歸劉氏。二十六而寡。上侍孀姑。下撫幼子。守志三十八年。

張 于 氏 現年六十四歲

張于氏。岫巖縣人。二十五歲嫁夫。越年而寡。撫孤守節。三十九年。

李 楊 氏 現年八十一歲

李楊氏。岫巖縣人。年二十四于歸。二十五夫亡。繼族姪永嘉爲嗣。節守五十七年。

洪 侯 氏 現年六十九歲

洪侯氏。岫巖縣人。二十一歲嫁夫。二十三而寡。上侍翁姑。下撫孤弱。守志四十六年。

陸 劉 氏 現年 八十四歲

陸劉氏。岫巖縣人。十八歲歸陸氏。二十六而夫亡。事親育子。節守五十八年。

劉 王 氏 現年 六十四歲

劉王氏。岫巖縣人。十八歲適劉氏。二十八歲爲孀。以族姪承繼。節守三十六年。

張 欒 氏 現年 七十五歲

張欒氏。岫巖縣人。十九歲于歸。二十七夫亡。事慈姑。撫幼女。守節四十八年。

林 王 氏 現年 七十二歲

林王氏。岫巖縣人。二十五歲適林氏。二十七而寡。事親育子。守節四十五年。

趙 單 氏 現年 七十一歲

趙單氏。岫巖縣人。十七歲嫁夫。越二載而寡。撫孤守節。五十二年。

蕭 王 氏 現年 六十七歲

蕭王氏。岫巖縣人。十九歲適蕭春來。二十一歲夫亡。撫孤守節。五十六年。

盧 李 氏 現年 六十歲

盧李氏。岫巖縣人。二十歲歸盧振東。二十四而寡。撫孤守節。三十六年。

莊 湯 氏 現年 五十四歲

莊湯氏。岫巖縣人。湯來英之女也。十七歲于歸。翌年生子廷香。二十而夫亡。撫孤守節。三十四年。

高 戴 氏 現年 五十四歲

高戴氏。岫巖縣戴洪喜之長女也。十六歲歸高氏。二十四夫亡。遺一女。繼族姪高蘭山爲嗣。節守三十年。

汪 王 氏 現年 六十九歲

汪王氏。岫巖縣人。二十一歲于歸。越年而寡。撫孤守節。四十七年。

鳳 城 縣

安 管 氏 現年 七十九歲

安管氏。鳳城縣人。年二十一嫁夫。二十三而寡。撫孤守節。五十餘年。

顧 劉 氏 現年 六十六歲

顧劉氏。鳳城縣人。二十三歲于歸。二十五歲而夫亡。撫孤守節。四十一年。

安 趙 氏 現年 五十五歲

安趙氏。鳳城縣人。十九歲歸安氏。二十三而寡。撫孤守節。三十二年。

林 施 氏 現年 六十一歲

林施氏。鳳城縣人。年十七適林士春。二十四而夫亡。事翁姑。撫孤女。守志三十七年。

孫 黃 氏 現年 七十三歲

孫黃氏。鳳城縣人。二十一歲于歸。二十八歲夫亡。撫孤守節。四十五年。

郭 單 氏 現年 六十三歲

郭單氏。鳳城縣人。二十三歲嫁夫。三十而寡。撫孤守節。三十六年。

周宮氏 現年五十四歲

周宮氏。鳳城縣人。年十九適周世發。二十四夫亡。撫孤守節三十年。

李潘氏 現年六十三歲

李潘氏。鳳城縣人。十八歲于歸。是年夫亡。以姪爲嗣。奉親守志。四十五年。

周李氏 現年七十三歲

周李氏。鳳城縣人。年十九嫁夫。越兩載而寡。撫孤守節五十餘年。

林王氏 現年六十二歲

林王氏。鳳城縣人。年十九歸林吉慶。二十七而寡。茹苦守志。三十五年。

盧謝氏 現年七十一歲

盧謝氏。鳳城縣人。年二十七適盧廷海。三十而夫亡。事翁姑。撫幼子。節守四十一年。

關 盧 氏 現年 五十一歲

關盧氏。鳳城縣人。二十歲歸關永和。三十而寡。撫孤守節。三十一年。

溫 白 氏 現年 五十八歲

溫白氏。鳳城縣人。二十三歲嫁夫。二十八歲夫亡。遺孤相繼夭殤。茹苦守節。計三十年。

赫 雪 綺 現年 五十九歲

赫雪綺。鳳城縣人。幼字同里伊氏子。爲室。年二十二未嫁。而夫亡。乃歸伊家。節守三十餘年。

蔡 李 氏 現年 六十歲

蔡李氏。鳳城縣人。二十一歲歸蔡星垣。二十七而寡。撫子成立。節守三十三年。

由 董 氏 現年 七十歲

由董氏。鳳城縣人。十七歲于歸。二十三歲夫亡。事姑育子。節守四十七年。

李滿氏 現年 八十一歲

李滿氏 鳳城縣人。二十八歲爲孀。撫孤守節五十三年。

于孫氏 現年 七十八歲

于孫氏 鳳城縣人。年十七適于廣運。二十八而寡。撫孤守節五十年。

張潘氏 現年 七十一歲

張潘氏 鳳城縣人。十八歲歸張文祥。越四年而寡。繼子承嗣。守志四十九年。

王鄒氏 現年 五十八歲

王鄒氏 鳳城縣三區黑魚泡村鄒恒順之女也。幼嫻女誡。年十七適同邑珠山村王樹珍爲室。生二女皆不育。越二載夫以病歿。氏仰天長號曰。余母家骨肉僅四人耳。余兩歲失怙。七歲喪兄。十一歲舅奪母志。祇遣微賤。依叔父以居。以爲子歸之後。勤吾婦職。人倫幸福或可致也。孰意昊天不弔。既喪二女。復奪吾夫。吾生何罪。而至如斯之苦耶。一慟幾絕。者再。婦孺勸慰。始飲泣而言曰。妾以身殉。誠所不惜。然死者已矣。翁姑年邁。吾將代夫盡職。非一死所可塞責也。乃節哀治事。喪既

畢松筠自矢營家務不遺餘力其淬勵奮勉之堅洵非他人所可及也。平時見義勇爲尤爲人所難能。事變後舉家避難徙居他所。及秋收之際氏以家無安人易啓宵小覬覦因與伯嫂謀竟相借冒險旋里照料一切。雖地方不靖一夕數驚而氏處之夷然不稍懼也。性至孝善承翁姑意爲婦三十九年未嘗稍有忤犯。至對於伯叔娣姒之間亦從無激言厲色。家庭中偶有齟齬者輒開誠婉勸必使和好如初而後已。鄉里無不矜式。康德元年春病卒年五十八歲以猶子鴻章猶女春雲爲嗣承宗桃焉。

李 孫 氏 現年 六 十 歲

李孫氏鳳城縣人十九歲于歸二十五歲夫亡茹苦守志三十五年。

趙 孫 氏 現年 六 十 歲

趙孫氏鳳城縣人年十九適趙寬二十三而寡含辛守志三十七年。

孫 張 氏 現年 六 十 一 歲

孫張氏鳳城縣人十九歲歸孫悅盛二十六夫亡茹苦守節三十五年。

鄭 關 氏 現年 七 十 八 歲

鄧關氏。鳳城縣人。二十一歲歸鄧德輝。越二年夫亡。撫孤守節。五十餘年。

南 張 氏 現年 七十八歲

南張氏。鳳城縣人。二十七歲為嫠。撫孤守節。五十餘年。

管 叢 氏 現年 七十五歲

管叢氏。鳳城縣人。二十一歲歸管承海。二年而夫亡。繼管明山為嗣。撫孤守節。五十餘年。

寬 甸 縣

姜 王 氏 現年 五十二歲

姜王氏。寬甸縣人。年十七嫁夫。二十二夫亡。子幼家貧。節守三十年。

李 趙 氏 現年 六十三歲

李趙氏。寬甸縣人。十八歲適李德木。二十二而夫亡。撫孤守節。四十一年。

李 常 氏 現年 七十六歲

李常氏。寬甸縣人。二十八歲為嫠。撫孤守節。四十餘年。

李 趙 氏 現年 六十六歲

李趙氏。寬甸縣人。年二十二而夫卒。以兄子爲嗣。守貧勵節。四十四年。

倪 梁 氏 現年 六十三歲

倪梁氏。寬甸縣人。年十九。嬪倪氏。越二年夫亡。以伯兄之子爲嗣。矢志守節。四十二年。

蘇 高 氏 現年 五十五歲

蘇高氏。寬甸縣人。二十一歲歸蘇文秀。二十三而寡。以兄之子爲嗣。撫育成。人守志三十二年。

桓 仁 縣

侯 谷 氏 現年 六十五歲

侯谷氏。山東省莒縣人。十九歲嫁夫。二十七歲夫亡。子幼家貧。茹苦守節。三十八年。

曹 張 氏 現年 六十五歲

曹張氏。本溪縣人。十五歲適曹祿。二十八歲而寡。子幼家貧。含辛茹苦。守志三十七年。

孫 王 氏 現年 六十四歲

孫王氏。桓仁縣人。十八歲于歸。越二年夫亡。上侍翁姑。下撫孤兒。節守四十餘年。

馮 段 氏 現年 六十四歲

馮段氏。山東省籍。年十七歸馮氏。二十一而寡。撫孤守節。四十餘年。

錦 州 省

錦 縣

孫 王 氏 現年 六十六歲

孫王氏。錦縣人。二十五歲于歸。甫七月而夫亡。奉親守志。四十一年。

蘇 吳 氏 現年 五十四歲

蘇吳氏。錦縣人。十七歲歸蘇廣路。十九歲夫卒。家貧無子。撫姪守志。三十五年。

關 佟 氏 現年 七十歲

關佟氏。錦縣人。十九歲適關麟祥。二十二夫亡。家貧。女幼。事親守志。五十八年。

陸 孔 氏 現年 七十七歲

陸孔氏。錦縣人。二十歲嬪陸紹曾。二十四而寡。無出。撫姪孫。節守五十二年。

朱 才 氏 現年 五十三歲

朱才氏。錦縣人。十九歲歸朱金泰。越三年夫亡。上有孀姑。下無子女。奉親守節。三十一年。

曹 李 氏 現年 六十三歲

曹李氏。錦縣人。二十四歲歸曹廷文。爲繼室。三十而寡。茹素矢志。節守三十三年。

張 劉 氏 現年 五十三歲

張劉氏。錦縣人。二十一歲適張兆瑞。翌年而夫亡。善事翁姑。節守三十一年。

趙 杜 氏 現年 六十四歲

趙杜氏。錦縣人。二十三歲。嬪趙永香。三十而寡。家貧。茹苦守節。三十四年。

孟 高 氏 現年 六十歲

孟高氏。錦縣人。孟廣尊之妻也。二十八歲而寡。舅姑多病。子幼家貧。奉親育子。守志三十二年。

劉 高 氏 現年 六十七歲

劉高氏。錦縣人。十七歲歸劉萬金。五年夫死。家貧爲人傭。以自給。備嘗艱苦。撫子守節四十餘年。

關 沈 氏 現年 六十歲

關沈氏。錦縣人。十七歲歸關榮惠。二十四歲夫亡。撫孤守節三十六年。

邢 趙 氏 現年 五十八歲

邢趙氏。錦縣人。年十九嫁邢瑞。二十四歲而寡。伶仃孤苦。節守三十四年。

穆 何 氏 現年 六十歲

穆何氏。錦縣人。年十六歸穆寬。二十七歲夫亡。繼堂姪爲嗣。事親守志。三十三年。

楊 何 氏 現年 六十歲

楊何氏。錦縣人。十七歲適楊德潤。二十三夫亡。撫孤守節。三十七年。

穆 楊 氏 現年 五十六歲

穆楊氏。錦縣人。穆才林之妻也。嫁四年而寡。家貧無子女。茹苦守節。三十六年。

張 張 氏 現年 五十二歲

張張氏。錦縣人。十五歲適張秉臣。二十歲夫死。翁老子幼。境益窘困。事親育子。節守三十二年。

徐 于 氏 現年 八十四歲

徐于氏。錦縣人。年十七歸徐增潤。二十三夫亡。事親育子。節守六十一年。

郭 霍 氏 現年 七十七歲

郭霍氏。錦縣人。十九歸郭士賢。二十六歲夫亡。事親撫弟。守志五十一年。

孫 佟 氏 現年 八十四歲

孫佟氏。錦縣人。十八歲適孫德俊。二十三夫亡。撫孤守節。六十一年。

曹 葛 氏 現年 九十一歲

曹葛氏。錦縣人。二十一歲歸曹寶恒。二十五而寡。撫孤守節。六十六年。

于 李 氏 現年 五十九歲

于李氏。錦縣人。年十八。嬪于呈麟。二十四夫卒。無子女。孝事翁姑。節守三十五年。

黑 山 縣

王 王 氏 現年 七十八歲

王王氏。黑山縣人。二十一歲適王景美。二十四夫亡。繼夫弟之子王興周為嗣。撫子守節。五十四年。

安 郭 氏 現年 七十三歲

安郭氏。黑山縣人。二十一歲于歸。二十七歲夫亡。撫孤守節。四十六年。

鈕 賈 氏 現年 七十八歲

鈕 賈 氏 黑山縣人。十九歲歸鈕廣全。三十而寡。撫孤守節。四十八年。

邵 洪 氏 現年 六十三歲

邵 洪 氏 黑山縣人。年十九。嫁邵國寶。二十一夫亡。奉親撫弟。守志四十二年。

申 王 氏 現年 七十七歲

申 王 氏 黑山縣人。十九歲于歸。三十歲夫亡。撫孤守節。四十七年。

張 馬 氏 現年 七十五歲

張 馬 氏 黑山縣人。張九恩之妻也。三十而寡。事親撫孤。守節四十五年。

王 吳 氏 現年 七十三歲

王 吳 氏 黑山縣人。王治廷妻也。十九歲而寡。上奉舅姑。下撫孤兒。守節五十四年。

張 劉 氏 現年 七十五歲

張 劉 氏 黑山縣人。二十歲適張寶賢。爲繼室。三十而夫亡。撫孤守節。四十三年。

孟程氏 現年六十二歲

孟程氏。黑山縣人。年二十二。夫孟廣儒病歿。繼族子孟昭五爲嗣。撫子守志。計四十年。

張賈氏 現年六十二歲

張賈氏。黑山縣人。二十歲適張蘭。二十八而夫亡。撫孤女。依叔弟度日。節守三十四年。

張王氏 現年六十七歲

張王氏。黑山縣人。年十七嫁張志恩。二十八而寡。撫孤守節。三十九年。

台安縣

張王氏 現年七十一歲

張王氏。台安縣人。十九歲適張氏爲繼室。翌年而寡。撫前子如己。出節守五十二年。

李 劉 氏 現年 六十一歲

李劉氏。台安縣人。十七歲歸李杏至。二十一歲夫卒。夫弟弱小。撫之成立。繼弟子以續宗嗣。節守四十年。

張 包 氏 現年 六十二歲

張包氏。台安縣人。張品珍之妻也。二十五歲夫亡。遺子匯川。撫之成人。茹苦守節三十餘年。

盤 山 縣

趙 李 氏 現年 七十九歲

趙李氏。盤山縣人。李洪昌之女。趙學泗之妻也。十八歲于歸。二十五夫亡。事翁姑。撫幼子。節守五十四年。

郭 鄭 氏 現年 六十七歲

郭鄭氏。盤山縣人。二十歲嫁夫。越三載而寡。家貧。茹苦守節四十餘年。

于 趙 氏 現年 六十歲

于趙氏。盤山縣人。年十八歸于騰雲。二十四而寡。事親撫孤。節守三十六年。

趙張氏。現年六十七歲。

趙張氏。盤山縣人。二十歲嬪趙金榜。二十七夫亡。家貧子幼。節守四十年。

王陳氏。現年五十八歲。

王陳氏。盤山縣人。十七歲嫁王維仁。二年而寡。事親撫孤。守志三十九年。

祁趙氏。現年五十九歲。

祁趙氏。盤山縣人。十七歲適祁恩。二十三歲夫亡。事翁姑。撫孤女。節守三十六年。

劉陳氏。現年六十二歲。

劉陳氏。盤山縣人。年二十歸劉寶利。二十八夫亡。撫孤守節三十四年。

常何氏。現年五十五歲。

常何氏。盤山縣人。年十七嫁常餘。越二載夫卒。事老翁。撫孤子。節守三十六年。

何張氏。現年六十二歲。

何張氏。盤山縣人。適同里何文元爲室。二十一歲于歸。三十而寡。撫孤守節。三十二年。

趙張氏 現年 七十六歲

趙張氏。盤山縣人。十七歲于歸。二十七夫亡。奉翁姑。撫孤子。節守四十九年。

鄭王氏 現年 六十七歲

鄭王氏。盤山縣人。十八歲歸鄭寶賢爲室。一載而夫歿。無出。撫夫弟子以延宗祀。奉姑守節四十七年。

孟劉氏 現年 六十四歲

孟劉氏。盤山縣人。幼字孟憲增。年二十一于歸。八月而夫死。姑老家貧。繼夫弟子慶雨爲嗣。守志四十餘年。

霍孫氏 現年 六十八歲

霍孫氏。盤山縣人。十七歲歸霍殿富。期年夫卒。事翁姑。撫幼子。守節五十年。

裴才氏 現年 七十八歲

裴才氏。盤山縣人。二十五歲爲孀。無子女。事翁姑頗謹。節守五十三年。

鄭牛氏。現年六十五歲。

鄭牛氏。盤山縣人。十九歲而寡。家貧姑老。撫孤守節。四十六年。

劉李氏。現年八十四歲。

劉李氏。盤山縣人。十七歲歸劉鳳。二十三夫亡。撫孤守節。六十一年。

郝劉氏。現年六十七歲。

郝劉氏者。台安縣劉永泰之女也。十九歲歸郝殿會爲室。事親孝謹。相夫子無違。翁姑年邁。難勝操作之勞。殿會就外傳讀。家事無論鉅細。悉委氏任之。氏鷄鳴而起。斗轉而息。量入爲出。裁贏補絀。罔不井々有緒。人皆知郝氏之有賢婦也。光緒二十年春。殿會以攻苦成癆。瘵體氣虛弱。百方醫治無效。氏憂之。祈禱於神。願減己壽。以益夫算。詎知病入膏肓。於是年九月間逝世。氏遭茲大故。椎心泣血。乃當衆設誓曰。郝氏一門孤弱。苟有他。則垂老雙親。將何所依。現吾已懷身孕。倘生男。尙可延亡夫一脈。即或生女。亦可繼嗣族姪。以終養二老。餘年未幾。遺腹生男。闔家欣幸。氏於是茹苦含辛。上事雙親。下撫孤兒。藉薄田數畝。以養嗣。後翁姑相繼

歿。氏親視含殮。喪葬盡禮。子則送塾讀書。以繼父志。及長。爲之授室。現改業爲農。有孫男二人。孫女三人。事寡母異常孝順。氏今年六十七歲。終日誦經禮佛。一家之中。雍々睦々。所謂苦節之報歟。

戴 郭 氏

現年 六十二歲

戴郭氏。錦州省盤山縣人。四歲失怙。依母撫養。家貧窶。衣食常不給。無奈隨母嫁。年十七歸戴。玉滿爲室。生子四女一。二十八歲夫病亡。家道益形困苦。恒竟日斷炊。衣履百結。日間荷藍拾薪。夜則爲人紡織。雖十指殷勤。猶食不果腹。衣不蔽體。幼男少女繞膝。時々啼飢號寒。人不堪其苦。而氏處之自若也。里有嫂輩。見此情景。勸之曰。汝受此貧累。何不另謀生計。家既貧乏如洗。子女尙在孩提。前途無望。堅守何益。氏聞之淚下。婉言謝曰。余幼時雖未嫻女訓。尙知大節。當有以對先夫於地下。決不忍拋兒女於無親。此生既已命薄。豈敢再萌虛榮之念。甯甘饑斃。不願再嫁矣。越數年子漸長。三子務農。一子爲工。各有職業。生活亦漸裕餘。氏苦節三十餘年。志潔行芳。鄉里咸矜式焉。

張 周 氏

現年 七十一歲

張周氏。台安縣沙坨子村周坤之長女。十九歲歸盤山縣張會元爲室。家道小康。

人雖多。不僱傭役。舉凡井臼之事。均氏一身任之。及諸娣姒相繼入門。氏處之以和。友愛如姊妹。猶能躬難讓易。先衆手而作。後一家而息。浣垢補綻。必淨必整。粒米寸薪。必珍必戒。視猶子如己出。敬戚友如自親。以故長幼內外。無不悅服。光緒十六年春。會元病歿。氏年二十五歲。遭此大故。悲痛欲絕。由是捐棄萬緣。屏去華飾。專意侍奉。以慰親心。光緒二十八年。翁姑痛子之無嗣也。爲繼夫弟之長子文林爲嗣。計節守四十餘年。鄉里稱賢孝焉。

毛孫氏 現年 八十二歲

毛孫氏。盤山縣人。十九歲嫁夫。期年而寡。撫育繼子。節守六十二年。

趙姜氏 現年 五十九歲

趙姜氏。盤山縣人。十七歲爲姜玉國婦。二十三歲夫卒。姑老家貧。以族伯之子承嗣。茹苦守節三十六年。

李謝氏 現年 六十歲

李謝氏。盤山縣人。年十七歸李氏。二十三而寡。家貧。事親守節三十七年。

劉段氏 現年 五十三歲

劉段氏。盤山縣人。十七歲適劉澤。三年而寡。以夫兄子書麟承桃。事親撫子。守志三十三年。

許孫氏。現年六十歲

許孫氏。盤山縣人。二十一歲于歸。二十五歲夫亡。撫孤守節。三十五年。

劉鄭氏。現年五十九歲

劉鄭氏。盤山縣人。鄭洪恩之女也。二十一歲嬪劉連蕙。三年夫卒。孝翁姑。茹苦守節。三十五年。

鄭楊氏。現年六十九歲

鄭楊氏。盤山縣人。年十八適鄭氏。二十九而寡。事親撫子。守志四十年。

綏中縣

邢王氏。現年八十八歲

邢王氏。綏中縣人。十七歲于歸。二十而夫亡。撫孤守節。六十八年。

喬 侯 氏 現年 八十三歲

喬侯氏。綏中縣人。二十五歲爲孀。家貧。撫孤守節。五十八年。

朱 呂 氏 現年 六十七歲

朱呂氏。綏中縣人。二十三歲于歸。越二年夫亡。繼族姪二人承嗣。撫孤守節。四十二年。

吳 馮 氏 現年 七十二歲

吳馮氏。綏中縣人。年二十二適吳氏。二十五而寡。奉孀姑。茹苦守節。四十七年。

楊 楊 氏 現年 五十九歲

楊楊氏。綏中縣人。十九歲歸楊氏。二年而夫死。繼族姪爲嗣。事親守志。三十八年。

徐 吳 氏 現年 七十二歲

徐吳氏。綏中縣人。三十歲爲孀。家清貧。撫孤守節。四十餘年。

王 張 氏 現年 六十七歲

王張氏。綏中縣人。二十七歲夫王延熙。因事殞命。矢志不嫁。撫子守節四十年。

袁 王 氏 現年 六十二歲

袁王氏。綏中縣人。三十而寡。家貧。撫孤守節三十餘年。

柴 母 氏 現年 六十三歲

柴母氏。綏中縣人。年十七適柴氏。期年而寡。繼夫兄子承桃。事親守志四十二年。

王 陳 氏 現年 七十一歲

王陳氏。綏中縣人。十八歲于歸。三年而夫卒。家貧。事親撫孤。守節五十年。

楊 周 氏 現年 七十八歲

楊周氏。綏中縣人。年十七嫁夫。期年而寡。繼族姪墨林爲嗣。事姑守節五十九年。

沈 齊 氏 現年 六十六歲

沈齊氏。綏中縣人。十七歲于歸。二十二歲夫亡。遺子甫八月。事親撫孤。節守四十四年。

李 惠 氏 現年 八十六歲

李惠氏。綏中縣人。二十二歲爲孀。侍姑守志。六十四年。

李 王 氏 現年 五十二歲

李王氏。綏中縣人。年二十一喪夫。事姑撫子。節守三十一年。

興 城 縣

郭 張 氏 現年 七十三歲

郭張氏。興城縣人。二十歲于歸。越五年夫郭九金病卒。撫孤守節。四十八年。

馬 趙 氏 現年 六十一歲

馬趙氏。興城縣人。十五歲嫁夫。十七而夫死。家貧。乞食以爲養。上侍翁姑。下撫遺子。茹苦守節。四十四年。

魏 張 氏 現年 七十五歲

魏張氏。興城縣人。年十九歸魏。長齡二十七。夫亡。撫育孤兒。節守四十八年。

馬 王 氏 現年 六十六歲

馬王氏，興城縣人。二十六歲爲孀，無子女，孝養舅姑，守志四十年。

王 趙 氏 現年 七十四歲

王趙氏，興城縣人。王國相之室也。十七于歸，二十九而寡，撫孤守節，四十五年。

王 董 氏 現年 八十七歲

王董氏，興城縣人。二十一歲夫亡，遺腹生女，繼兄子忠義爲嗣，撫子守節，六十六年。

王 朱 氏 現年 七十八歲

王朱氏，興城縣人。年十七適王永太，二十三夫亡，以族姪王慶爲嗣，事親育子，節守五十五年。

閻 周 氏 現年 七十四歲

閻周氏，興城縣人。十七歲歸閻成緒，二十九而寡，遺腹子娶婦後，相繼死亡，撫孫守節，四十五年。

李 王 氏 現年 八十一歲

李王氏興城縣人。年十七歸李氏。二十四夫亡。家境寒微。撫孤守節。五十七年。

楊 張 氏 現年 七十八歲

楊張氏興城縣人。嫁期年而寡。時年二十也。撫遺腹子楊明。茹苦守節。五十八年。

錦 西 縣

張 薛 氏 現年 六十歲

張薛氏錦西縣人。年十九適張治明。二十五夫亡。事親撫子。守志三十五年。

曹 劉 氏 現年 六十五歲

曹劉氏錦西縣人。十八歲嫁曹煥奇。二十七夫亡。繼夫弟子清海爲嗣。奉親守志。三十八年。

王 郭 氏 現年 七十四歲

王郭氏錦西縣人。十九歲于歸。二十七而寡。無子。以族姪爲嗣。矢志守節。四十七年。

高張氏 現年 六十二歲

高張氏錦西縣人。年二十一適高金芝。二十六歲夫亡。繼夫兄子士歆承嗣。奉親守志。三十六年。

義縣

蔡蕭氏 現年 六十二歲

蔡蕭氏義縣人。年二十嬪蔡渥。二十四而寡。事翁撫子。守志三十八年。

郝朱氏 現年 六十二歲

郝朱氏義縣人。二十一歲于歸。二十七歲夫亡。撫孤守節。三十五年。

鍾杜氏 現年 六十四歲

鍾杜氏義縣人。十七歲嫁夫。二年而寡。家貧無子。繼兄子鳳閣爲嗣。茹苦守節。四十餘年。

田張氏 現年 八十二歲

田張氏。義縣人。二十七歲爲孀。茹苦守節。五十餘年。

李杜氏。現年八十二歲

李杜氏。義縣人。十六歲于歸。二十一夫亡。翁老子幼。家境寒微。事親撫孤。節守六十年。

王陳氏。現年六十九歲

王陳氏。義縣人。年二十一歸王福山。二十九而寡。繼族姪承宗。挑奉親。守志四十年。

何劉氏。現年七十六歲

何劉氏。義縣人。十七歲歸何守先。二十八歲夫亡。撫孤守志。四十八年。

王郭氏。現年八十歲

王郭氏。義縣人。十五歲于歸。越四年夫死。奉姑育子。節守六十一年。

王邱氏。現年六十八歲

王邱氏。義縣人。嫁七月而夫死。時氏年二十一也。翁姑相繼歿。家貧無子。茹苦節

守四十七年。

滿 趙 氏 現年 七十八歲

滿趙氏義縣人年二十三適滿才五年夫死繼族姪俊魁爲嗣守志五十年。

范 劉 氏 現年 八十三歲

范劉氏義縣人十九歲嫁夫二十四夫亡事親撫孤守節五十九年。

裴 李 氏 現年 六十六歲

裴李氏義縣人二十一歲于歸二十九歲夫亡以姪永富爲嗣奉親守志三十七年。

裴 戴 氏 現年 八十五歲

裴戴氏義縣人二十一歲于歸二十八歲喪夫家貧茹苦守節五十七年。

朝 陽 縣

王 郭 氏 現年 七十二歲

王郭氏。朝陽縣人。年二十六夫出亡。無子。以伯兒子相爲嗣。守志四十六年。

劉 趙 氏 現年 七十二歲

劉趙氏。朝陽縣人。年十七適劉殿惠。十九而寡。繼姪爲嗣。茹苦守節。五十三年。

張 張 氏 現年 六十五歲

張張氏。朝陽縣人。張鳳學繼室也。二十七于歸。二年而寡。撫前子。事舅姑。節守三十八年。

劉 王 氏 現年 八十二歲

劉王氏。朝陽縣人。二十二歲爲妾。撫孤守志六十年。

于 程 氏 現年 七十一歲

于程氏。朝陽縣人。二十歲嫁。八月而夫死。繼族姪爲嗣。節守五十一年。

苗 劉 氏 現年 七十七歲

苗劉氏。山東省清城縣人。十五歲于歸。二十一夫亡。撫孤守節。五十六年。

李 王 氏 現年 六十九歲

李王氏朝陽縣人。十八歲嫁夫。期年而寡。事親撫子。守志五十年。

張 賀 氏 現年 六十三歲

張賀氏朝陽縣人。二十二歲爲孀。事親撫孤。節守四十一年。

王 氏 現年 五十八歲

王氏朝陽縣人。十七歲于歸。夫多病。侍奉數年不倦。二十四歲夫死。無出。事翁守志三十四年。

阜 新 縣

韓 孫 氏 現年 七十一歲

韓孫氏阜新縣人。年十七歸韓氏。越二載夫亡。遺子娶後亦殞。繼族孫承嗣。茹苦守節五十二年。

劉 王 氏 現年 六十五歲

劉王氏山東省金鄉縣人。二十一嫁劉習堂爲繼室。二十八歲而寡。事姑育子。守

志三十七年。

一一六

張 劉 氏 現年 七十三歲

張劉氏。朝陽縣人。十七歲適張氏。六年夫亡。奉姑撫子。節守五十年。

彰 武 縣

周 李 氏 現年 六十六歲

周李氏。彰武縣人。十八歲于歸。二十八而寡。上侍舅姑。下撫子女。節守三十八年。

房 羅 氏 現年 六十六歲

房羅氏。彰武縣人。三十歲爲孀。事親育子。節守三十六年。

趙 李 氏 現年 六十三歲

趙李氏。彰武縣人。二十八而寡。家貧。撫孤守節三十五年。

李 聶 氏 現年 六十八歲

李聶氏。彰武縣人。二十四歲而寡。撫孤守節四十四年。

陳 劉 氏 現年 六十四歲

陳劉氏彰武縣人。十八歲于歸。越三年夫亡。家清貧。撫孤守節。四十三年。

馮 楊 氏 現年 八十四歲

馮楊氏彰武縣人。年十七歸馮氏。三十而寡。事親育子。守志五十四年。

譚 陳 氏 現年 七十二歲

譚陳氏新民縣人。二十歲適譚氏。二十五歲夫歿。撫孤事親。茹苦守節。四十七年。

李 張 氏 現年 六十八歲

李張氏新民縣人。二十五嫁夫。三年而寡。姑老子幼。仰事俯畜。備嘗艱苦。節守四十年。

譚 董 氏 現年 七十歲

譚董氏新民縣人。十九歲嬪譚氏。三十而夫亡。事親育子。茹苦守志四十年。

董 穆 氏 現年 五十八歲

董穆氏。彰武縣人。年十七歸董芬生。二十五歲夫歿。事翁姑。撫子女。節守三十三年。

崔張氏。現年五十九歲

崔張氏。新民縣人。十七歲于歸。二十八歲而寡。事親撫子。守志三十一年。

熱河省

承德縣

計 甯氏 現年六十七歲

計甯氏。承德縣人。清協領雙祿妻也。二十九歲夫故。撫育前子如己。出茹苦守節。三十八年。

蘇素芳 現年五十三歲

蘇素芳。承德縣人。清千總蘇永瑞次女也。年十九歸喻廣。越三載而寡。遺腹女生甫六月。相繼夭殤。以族孫為嗣。奉親守志。三十四年。

隆化縣

孫 郭 氏 現年 六十三歲

孫郭氏隆化縣人。年十九適孫懷安。期年而寡。以夫兄子爲嗣。奉姑守節。四十三
年。

姜 郝 氏 現年 七十三歲

姜郝氏隆化縣人。十八歲歸姜萬年。二十三夫亡。事親育子。節守五十年。

圍場縣

魏 司 氏 現年 六十五歲

魏司氏山西省人。二十六歲爲孀。家貧甚。撫孤守節。三十九年。

陳 林 氏 現年 五十三歲

陳林氏豐寧縣人。十九歲嫁夫陳勇。二十一而寡。撫孤守節。三十二年。

史 李 氏 現年 七十三歲

史李氏。隆化縣人。十九歲于歸。二十九夫死。撫孤守節。四十四年。

傅 趙 氏 現年 六十六歲

傅趙氏。河北省任邱縣人。二十八歲而寡。事親撫子。守志三十八年。

郝 姜 氏 現年 五十八歲

郝姜氏。隆化縣人。年十九歸郝永富。二十三歲夫亡。撫孤守節。三十五年。

潘 趙 氏 現年 六十六歲

潘趙氏。隆化縣人。二十一適潘成良。二十九歲夫亡。翁姑繼歿。撫孤守志。三十七年。

陳 鮑 氏 現年 六十八歲

陳鮑氏。豐寧縣人。十八歲歸陳富。二十八夫亡。上侍孀姑。下撫孤兒。節守四十年。

寧 城 縣

孫 張 氏 現年 六十五歲

孫張氏。山東省榮城縣人。十七嫁夫孫玉琳。二年而寡。繼夫兒子永維。爲嗣。奉親。

守志四十六年。

王 葉 氏 現年 六十六歲

王葉氏。山東省海陽縣人。二十七歲于歸。二年夫亡。撫育前子。節守三十七年。

趙 董 氏 現年 七十九歲

趙董氏。山西省人。十九歲嫁夫。二十七而寡。家貧。事親撫孤。守節五十二年。

姚 楊 氏 現年 六十二歲

姚楊氏。寧城縣人。年十五。未嫁而夫死。十七歸姚氏。家清貧。繼子爲嗣。奉親守志。四十五年。

張 魏 氏 現年 五十九歲

張魏氏。寧城縣人。二十四歲適張永芳。三年夫死。侍孀姑。茹苦守節。三十二年。

張 管 氏 現年 六十八歲

張管氏。寧城縣人。二十一歲歸張殿英。二十七歲夫亡。繼子續宗嗣。奉親守志。四十年。

單 陳 氏 現年 六十七歲

單陳氏，寧城縣人。二十一歸單凌閣。二十九歲夫死。撫孤守節。三十八年。

吳 趙 氏 現年 七十歲

吳趙氏，寧城縣人。年十九適吳殿元。三十夫亡。撫育孤女。守志四十年。

王 高 氏 現年 六十八歲

王高氏，寧城縣人。王椿年之室也。二十一于歸。二十九而寡。侍奉孀姑。撫育孤子。節守三十九年。

丁 趙 氏 現年 七十一歲

丁趙氏，寧城縣人。二十七歲喪夫。撫孤守節。四十四年。

楊 邵 氏 現年 七十一歲

楊邵氏，寧城縣人。十九歲嫁夫。四年而寡。事親撫孤。節守四十八年。

許 鄭 氏 現年 六十九歲

許鄧氏。壽城縣人。二十五歲爲孀。撫孤守節四十四年。

周 劉 氏 現年 五十八歲

周劉氏。壽城縣人。二十三歲而寡。事舅姑。撫幼子。節守三十五年。

王 倪 氏 現年 六十九歲

王倪氏。濰縣人。十九歲于歸。二十九歲夫亡。撫孤守節四十年。

閻 邱 氏 現年 六十五歲

閻邱氏。河北省吳橋縣人。二十一歲嫁夫。二十七而寡。以夫弟子玉蘭爲嗣。奉親守志三十八年。

謝 于 氏 現年 五十五歲

謝于氏。壽城縣人。二十五歲爲孀。守節撫孤三十年。

建 昌 縣

石 黃 氏 現年 七十歲

石黃氏。建昌縣人。十九歲嫁石懷璞。二十七夫亡。繼族。兒子萬錢。爲嗣。奉親守志。四十三年。

劉 郭 氏 現年 六十七歲

劉郭氏。建昌縣人。年十九適劉青林。二十四夫亡。事翁姑。撫孤子。節守四十三年。

馬 蓋 氏 現年 七十五歲

馬蓋氏。建昌縣人。十七歲于歸。五年而寡。撫遺腹子。奉侍孀姑。節守五十三年。

趙 金 氏 現年 七十四歲

趙金氏。青龍縣人。趙彬之室也。十七歲于歸。二十三而寡。撫孤守節。五十一年。

孫 高 氏 現年 五十五歲

孫高氏。建昌縣人。二十二嫁孫連仲。期年而寡。有女一。早殤。侍奉舅姑。守志三十餘年。

王 劉 氏 現年 六十三歲

王劉氏。建昌縣人。十七歸王煥彩。二十六歲夫亡。事親撫孤守節三十七年。

喀喇沁右旗

韓 王 氏 現年 五十九歲

韓王氏。喀喇沁右旗人。十五歲。嬪韓發。二十七歲。夫亡。事親撫孤。節守三十二年。

喀喇沁左旗

王 暴 氏 現年 五十八歲

王暴氏。喀喇沁左旗人。二十歲。嫁王德成。四年。夫亡。撫孤守節。三十四年。

興 隆 縣

邵 康 氏 現年 七十二歲

邵康氏。興隆縣馬蘭峪人。清東陵四品尙恭正德英之妻也。二十九歲而寡。家貧。事親撫孤。節守四十三年。

康
德
四
年

烈

婦

傳

吉林省

額穆縣

陳唐氏 殉年 三十一歲

烈婦陳唐氏。吉林省額穆縣人也。民國十一年適陳富爲室。家貧。烈婦出爲人傭。夫婦勤儉治家。衣食堪以自給。本年三月二十日。陳富爲雙龍軍匪掠質。索款甚鉅。烈婦以家貧無款贖夫。生命必將不保。乃自縊而死。未幾。陳富竟乘隙逃回。而死者已矣。夫婦遂成永訣。噫。烈婦之遭遇。亦良可哀也。

安徽省

鳳城縣

何素梅 殉年 三十一歲

烈婦何素梅。鳳城縣人。二十一歲歸包粹疇。孝事翁姑。和睦娣姒。事夫尤恭謹。夫患肺病。氏親侍湯藥。夙夜匪懈。及夫病危。日夜祈禱。願以身代。後知其病終將不起。乃蓄死意。當其於暗室仰藥之際。猶與家人共事操作。態度從容。蓋防家人之

注意也。孀留時曰：吾欲尋得亡兒全福，相待我夫於地下。請勿多擾，言畢氣絕。時烈婦年僅三十一耳。

桓仁縣

原何氏 殉年十九歲

原何氏，安東省桓仁縣人。年十九，嬪原慶恩。是年夫病歿，氏同時服燐火鉛粉，以殉。嗚呼烈矣。

熱河省

喀喇沁右旗

李白氏 殉年二十一歲

李白氏，喀喇沁右旗人也。年十七，適李際昌。侍翁姑孝，處娣媼和。嫁三年，翁姑相繼歿。時夫外出就學，家門多難，賴氏勤謹操持，得免後顧憂。賢孝聞於鄉里。迨至三十一歲之冬十月，夫病自外歸，不日竟死。哀痛之餘，竟能不顧週歲之女，而以身殉。噫，可謂烈矣。

康
德
四
年

烈

女

傳

龍江省

依安縣

藍合珠 歿年十七歲

藍合珠者。濱江省望奎縣藍國章之女也。母早卒。事父甚謹。大同元年六月。哥老會匪二百餘人。陷徐家園子。全屯男丁避徙一空。所餘者老弱婦女。未遑他去。匪衆劫掠之餘。瞥見女。以年幼可欺。欲加蹂躪。女稟性剛烈。見狀抗罵不絕口。匪怒毒毆之。女乘間逸出。高呼求援。匪復尾追不捨。女以情急援絕。萬難幸免。遂奮身投井而死。嗚呼。臨難不苟。見危授命。可謂烈矣。

濱江省

雙城縣

魯鳳蓮 殉年十六歲

烈女魯鳳蓮。奉天省復縣正白旗人。六歲失怙。事母孝謹。無兄弟。一姊早嫁。大同元年。女十六歲。畢業於雙城縣立女子初中學校。八月十五夜。匪陷城。肆意掠奪。

至其家，擄母索財賄，無以應。賊怒，將殺母。女急出，以身護母。賊捨母執女，將污之。女抵死拒，不得逞，欲掠之去。及賊衆取衣物，女伺隙趨躍院井，得全。真以歿，嗚呼！以荏弱之質，臨事不懼，守身趨死，可謂烈矣。

康德四年

義

士

傳

錦州省

朝陽縣

王

儉勤

殉年三十九歲

王勤王儉同產兄弟也。錦州省朝陽縣人。讀書任俠。有兼人勇。賊匪猖獗。聞警恆率甲團往剿。激戰禦敵。奮不顧身。用是屢奏奇功。鄉民賴以安焉。二義士之名著於遠近。大同元年春正月十二日。匪攻陳奎營。子溫姓勤率弟往救。衆寡不敵。兄弟皆殉。初義士之祖。於光緒十七年冬。率衆抵禦金丹教匪之亂。殺身成仁。鄉里稱之。今其孫又能克承先志。捍衛桑梓。於是邑人嘉其能克繩祖武。請表其閭。

康
德
四
年

義

僕

傳

濱江省

葦河縣

郭凌漢 現年五十一歲

郭凌漢者，原姓高名陞，山東濟南府人。幼失怙恃，同鄉郭瑞亭時任軍職，憫其孤苦，收養充僕役事。更其姓氏爲郭凌漢，相得如父子焉。凌漢秉性誠篤，能謹事主。隨主之葦邑任所，數十年無一事或敢違命，即偶以故觸主人怒，加之暴言，凌漢和顏承受，未嘗有愠色也。大同元年，葦邑遭匪亂，郭氏財產燼焉。家道中落，凌漢憂其主之貧而老也，乃謀鬻工於市，朝出暮歸，以日之所得，盡奉主人。雖嚴冬酷夏，不稍畏避，克苦工作，無煩言怨色。數年，主人以貧故，憂思成疾，纏綿牀第，舉凡醫藥生活等費，皆賴凌漢一人枝柱。而瑞亭貧病交加，痼疾終莫能興，當危篤之際，凌漢焚香叩禱，祝主早脫困危。親侍湯藥，不離左右。瑞亭卒，凌漢哭之哀，竭力營喪葬事畢，奉侍白髮主母，始終不懈，可以託六尺之孤。凌漢有焉。

康
德
四
年

懿
行
傳

新京特別市

路 道 爾 現年 四十歲

路道爾，瑞士國人，新京仁慈堂之院長也。卒業於英國國立劍橋大學，民國十五年三月來滿，創立仁慈堂，設英文專科，以授男女廢學者，並收養貧苦孤兒，教以真理，終始無矜倦意，邑人頗敬式焉。

龍江省

龍江縣

劉 芝 忱 現年 五十三歲

劉芝忱，奉天瀋陽縣籍也。天性純孝，事父母能竭其力。光緒三十二年，率家族遷居龍江縣，立墾業，闢疔疽，甸子村因家焉。越數年，戶口繁滋，芝忱乃就自宅創立私塾，聘奉天名儒夏馥卿先生來主教席。村中兒童如沐春風。康德元年八月，芝忱呈准成立小學校，並由地方出資建築校舍，及各項設備，粗具規模。由是遠近來嚮學者日衆，文化大進，人謂芝忱倡導之力也。

鎮東縣

孟 敖 起

現年 六十二歲

孟敖起。朝陽縣人也。平生有樂育人才之志。用數千金無吝色。民國初年。鎮東設治。教育不振。敖起以二千五百元輸爲學產。凡鄉里義舉。求之靡不相助。邑中稱善人焉。

洮南縣

呂 貴 忱

現年 五十四歲

呂貴忱。奉天康平縣人也。天性和樂。喜興學。洮南瓦房鎮內各小學校之創立。貴忱與有力焉。康德二年。以百二十元輸於女子職業學校。四年。捐土地三晌。爲該鎮苗圃之用。蓋凡社會教化事。無不樂於輸將也。

齊齊哈爾市

朱 張 希 班

現年 四十二歲

朱張希班。錦州省錦縣人也。卒業於北洋女子師範學校。民國十九年。被任爲齊

齊哈爾市女子教養院院長。自任職以來。本其學識經驗。對於學務之興革。設備之改善。爲之不遺餘力。及學生畢業後。擇其優秀者。供給升學。以資深造。其已屆成年者。則爲之婚配。俾有所歸。辦事幹敏。處置無不克當。因是遠近貧苦之家。投送幼女者。日衆。而該院。僅擇其最苦者。收容之。數年來。地方之風化。賴以維持。如希班者。可謂有功於社會教化者矣。

三 江 省

寶 清 縣

姜 子 坡 現年 六十五歲

姜子坡。奉天省營口縣人也。賦性慈和。見人急難。如已有之。凡地方公益社會教育。輒爭先倡導。平生抱利濟之懷。老而益篤。鄉里稱重焉。

趙 鳳 閣 現年 六十二歲

趙鳳閣。吉林伊通縣人。生平好義。喜興學。凡事之裨益於地方。有利於人民者。爲之不倦。人以急公好義稱之。

濱江省

東興縣

何華峰

現年六十三歲

何華峰者。濱江東興縣人也。幼時入塾讀書。三年棄學而賈。以義貿利。不以利害信。康德二年二月。捐資七千元。建修文廟。有司嘉之。爲請旌焉。

哈爾濱市

黑樹臣

現年九十歲

黑樹臣。河北省天津縣人。幼年來滿。居哈爾濱市。因家焉。平生以利濟爲懷。民國二年。創立光裕小學校。以救回族子弟之失學者。並請准由回籍屠宰業抽百分之。一爲該校永久經費。凡公益事。無不樂爲之。今氏已年屆九十。其福祉民生之心。老而彌篤。洵善士也。

鄭恭

現年八十二歲

鄭恭。奉天省懷德縣人。幼時家道寒微。讀書未成。棄而就賈。越數年。營業日增。稱

商界巨擘焉。恭爲人。孝友慷慨。好施與。社會公益。尤樂於捐助。光緒三十三年。以私有價值萬元之房地。一所贈濱江勸學所。爲宣講堂之用。宣統元年。以值千元地。基一段。贈自治會。民國七年。以值六千元之房屋。施爲濱江濟良所。凡貧苦急難。求之者。皆如其意。不責券也。計其一生營商之所獲。至晚年已所餘無幾。而猶能樂善不倦。故鄉里咸稱重焉。

孔慶璽

現年 八十二歲

孔慶璽。錦州省興城縣人也。通詩書。精岐黃之術。官曲阜縣有年。光緒二十七年。來哈行醫。求診者。日不暇接。生平慷慨好義。以救人爲己任。凡貧困者來。雖深夜不倦。並施醫藥。數年間全活無算。時人稱之。

趙自平

現年 八十二歲

趙自平。濱江省阿城縣人也。幼年好學。以學貧棄儒爲農。兼營商賈。善居積。數年竟小康焉。光緒中葉。阿城洪水爲災。歲饑饉。民無衣食。自平以積糧百餘石賑鄉里。濟者甚衆。又恨自身之失學也。每遇貧乏有志向學者。輒盡量資助之。其他如修橋補路。一生爲之無怠。故至今人猶稱道不置云。

傅忠渭

現年 七十六歲

傅忠渭，山東福山縣籍也。家貧，讀書不成。來滿習賈，因家焉。天性孝友，擅計然之術。數年業就，遠近聞名。好施與，民國九年，曾以資建修旅哈山東同鄉會，並附設義地，施棺木，設診所，以療貧民。復創立惠民小學校，作育子弟，使無廢學。民國十九年，創辦濱江省紅萬字會。二十五年，於秦家崗建修分會，及婦女紅萬字分會。先後輸資數十萬元，所辦事業，以福利貧民，裨益社會為宗旨。數十年身任艱鉅，未嘗辭勞怨也。

安 東 省

鳳 城 縣

教 惠 辰 現年 五十六歲

教惠辰，安東鳳城縣人。早歲攻書史，長而經商。嗣於教家屯兩級小學校治理學務，有聲譽。鄉人遣子弟入學者，皆歸之。以是見重鄉里。

蔡 文 德 現年 九十六歲

蔡文德，安東省鳳城縣人。家世業儒，道德高尚。平時以孝悌忠信，教勉其子孫。有爭訟者，得一言遂解。鄉里稱善人也。

沈信 現年 八十六歲

沈信，安東省鳳城縣人也。業農，喜爲社會公益事，公正質樸，素孚鄉望。

錦州省

朝陽縣

潘士貴 現年 七十二歲

潘士貴，錦州省朝陽縣人。慷慨好義，喜施與，曾辦賑濟事，募化糧石，絲毫無苟。民國間捐地設塾，教化地方子弟二十餘年，鄉人敬焉。

彰武縣

邵國慶 現年 四十七歲

邵國慶，錦州省彰武縣人。家世耕讀，喜興學。民國十九年以兩家子屯地三畝輸學校，建校舍焉。

劉毓廷 現年 五十七歲

劉毓廷，錦州彰武縣人也。生平好義樂善，遇地方公益事，輒爭先倡導。大同元年春，以價值九百六十元地基八畝，輸爲校舍，時人稱之。

劉錫恩

現年三十四歲

劉錫恩，錦州省彰武縣人。下窩堡村立長坨子初級小學校學董也。志重教育，關懷桑梓。民國十九年霖雨爲災，民生艱窘，學校因以停辦。錫恩憂憫子弟之以此廢學也，乃毅然籌墊鉅資，購置基地器物，興修校舍，然後招集學童入校，而授課焉。當其時也，民智未開，一般無知鄉民，尙有毀謗學校，不令子弟入學者。錫恩則沿家勸誘，曉以意義，必使就學而後已。八年之中，該村子弟得不失學者，錫恩之功也。

張文煥

現年八十五歲

張文煥，錦州省盤山縣人也。幼時家道寒微，爲人傭以自給，及長，勤儉持身，遂致富焉。光緒二十一年冬，於雙台子鎮營商務，親理其事，業日以興。民國十七年，錢法大荒，商務因以閉歇，乃率子孫還鄉務農。家境由是中落，生平樂善好施，曾出資建修橋梁，以便行旅。光緒二十年災歉，以所儲稗子十石賑鄉人。宣統三年，盤山水災，以四百元輸賑濟會。民國元年，以高糧十二石，銀洋六十元，施本村之貧。

苦者。民國四年。以高糧十五石。施本村窮戶。次年春耕後。有償還者。文煥概不收。受。並戒子孫。永不得齒及。自詡。民國十三年。復以洋五百元。濟飢民。全活甚衆。至其所助於學校及慈善事業者。蓋數々矣。

綏 中 縣

常 國

和

現年

五十九歲

常國和。錦州省綏中縣人。道德分會々長也。業商而有志於學。曾私立新民義務女校。三年成績昭著。康德三年。綏中縣道德分會改組。復創設女子道德班。培植賢妻良母。以補教育所不及。一邑之人。莫不矜式。

熱 河 省

喀喇沁右旗

張 文

魁

現年

四十二歲

張文魁。喀喇沁右旗人也。幼年失怙。奉母養弟。備極孝友。家貧。日勞於農。夜攻書算。年二十五。改業爲商。稱小康焉。大同元年。設立育嬰義塾一處。每月補助經費

10
887240

二百元。以教貧苦學童。康德三年。出資創辦道德分會附義塾於該會民衆校內。成績卓著。鄉里稱之。

張文 現年七十二歲

張文略。喇沁右旗人也。家貧。夔習木匠藝。以自給。生二子。長令務農。次經商。至晚歲。勤勞所獲。稱裕餘焉。大同元年。與張文魁出資創辦育嬰義塾。遠近貧苦子弟失學者。皆歸之。

圍場縣

徐子義 現年五十六歲

徐子義。原籍山東東昌府人也。少孤。父母均早世。事叔父孝謹。以寒微起家。而性好施舍。具膽識。民國二十一年春。匪熾甚。蟠踞於燕格柏等處。揚言欲焚掠碾子溝。子義聞之。率民團與匪戰。大小十餘次。卒擊退之。人民得以無恙。嘗救濟貧苦兒童之失學者。爲之治膳。全其終始。邑中稱其能疎財仗義也。

10

887240